



刻陳唐卿江湖長翁集序



夫古之豪傑自命含華曜采



非其好也靡不欲銘勲五熟

勒垂琬琰如穆叔所云而惟

淪落湖海即縮半通之綸淫

滯疏逖自處於材不材之間  
彼其胸中鬱勃一遇可驚可  
愕可悲可喜之事悉寓之於  
書以俟後世知子雲者嘻志  
足慨矣然多化爲飛烟冷風

浸假銷歇名湮滅而不稱者  
可勝道哉蓋當世無中郎玄  
晏異代誰爲摩石鼓于荒濱  
揭蕭齋于一字也宋臣唐卿  
先生與秦太虛同爲揚之高

江浦長翁文集 卷之二  
郵人聲稱相後先然世知有  
太虛鮮知唐卿也先生在南  
渡時躬畊刻厲業既成爲通  
儒甫脫身簿尉所爲古文詞  
與韻言煜燁有聲范石湖諸

公賞識之然先生雅意本朝  
不欲以雕蟲之業銷其壯志  
領郡時石畫中窾其上執政  
書洋洋纒纒皆國家至計而  
竟陸沉下僚不振于是先生

始悠然埋照自署江湖長翁  
思以言垂世矣劉邵謂文章  
與韻語具體爲大雅一道偏  
至者爲小雅若翁者以經濟  
實學執詞壇牛耳將無大雅

其人乎使其時彈冠日月之  
際假權課効即未必金甌復  
合而富強可致寧至爲虜人  
影國耶惜乎徒令大廈之棟  
泛梗江湖折筍長纓之志試

之清油柔翰中僅作蠹魚嘻  
亦足慨矣水部李公胸蟠五  
嶽目挂千秋今古品題軒輊  
片語實龍門一代治河廣陵  
揆括先生遺言與淮海集併

付之梓余行部其地抵掌道  
舊令弁其首余曰長翁遇矣  
當時誰其桓君山者公今日  
爲合節也公於少游譬之連  
城之玉藉以錦茵襲以珍櫝

江海長翁文集 卷之六  
價愈增重於唐卿則譬之于  
將鏌耶拭以華陰之土光恠  
陸離氣干牛斗而後乃始識  
爲至寶耳虞仲翔有言天下  
有一人知己可以不恨而長

翁知己乃在數百載後得與  
太虛並傳余亦藉是役而謬  
爲青雲之附也漫書之簡端  
萬曆戊午仲夏既望巡按直  
隸監察御史太原姚鏞撰



是集見西坡類稿余戊申內侍歸世尚是宋

高邕曾孫收在者惠齋玉山序



刻江湖長翁文集序

文至于宋固~~不~~漢唐然議論

事理由暢不詭正道亦自一

代文體不相襲也當時名家

如蘇王曾晁外更不乏人唐



江表集卷之五  
卿陳先生狎主齊盟於淳熙  
嘉泰間學贍而筆勁人稱淮  
南夫子所著詩文四十卷詩  
則宋詩文則涉漢軼唐其指  
切時事如所云兵困故驕而

怨民困故畏上而不愛上極  
切當日膏肓又欲籍京都僧  
尼私菴居官寮省儉費絕僧  
俗雜亂淫僻四百年來殆尚  
可同症同治也至其睠懷紀

江湖長翁文集卷之四  
綱風俗人才與夫備荒卹獄  
理財擇將諸大事種之皆救  
時藥石而當時莫盡施用位  
亦不展其才長物自况托號  
江湖長翁志可悲已遭宋不

競遺命不封不樹生爲名儒  
仕爲循吏歿爲達士至于公  
秦郵人不能言其宅里丘墓  
而天下人猶能慕其文章然  
罕睹其全集余治水江淮訪

江表長翁文集 序  
求再歲乃得前貢士王應元  
所手錄者愛而傳之遂以節  
畱餘錙與秦太虛集並壽之  
梓嗟乎此兩公者夫非長淮  
磅礴甌社光芒所鍾靈毓秀

而為斯文者哉秦郵讀書種  
子即此而是文獻猶在地靈  
非改前麻不替將來豈不可  
風余自媿不堪執鞭然願與  
郵人士共勉奮焉學問津涯

江尚長翁文集卷八序  
端不局是亦惟是景行尚友  
之從鄉國善士始也陳集遭  
元兵燹雲孫婦孫避亂姑蘇  
獨携一子及版負斯籍以行  
曰比先世之寶也艱關九死

卒傳茲業事竒于壁書孝著  
于追遠此媪自佳乃唐卿博  
綜學問經濟才華生前既鬱  
不行死後必存不滅其屬有  
鬼神呵護令傳至今夫豈偶

然者乎殺青斯竟余適受代  
姑志歲月於此

萬曆戊午季春之吉仁和後  
學李之藻書



江湖長翁集敘

漢之文章猶有六經餘味及建武中興禮樂法度粲然  
如西京時惟文章頓衰自班孟堅已不能望太史公之  
淳深崔蔡晚出遂墮卑弱識者累歎而已 我宋更靖  
康禍變之後 高皇帝受命中興雖艱難顛沛文章獨  
不少衰得志者司詔令垂金石流落不偶者娛憂紆憤  
發爲詩騷視中原盛時皆畧可無媿可謂盛矣久而寢  
微或以纖巧摘裂爲文或以卑陋俚俗爲詩後生至爲  
之變而不自知是時能居今篤古一洗斯病擅二者之

長卓然傑立於頽波之外如吾長翁者豈易得哉其子  
師文來乞予爲長翁集序乃寓吾嘆以慰其子且以慰  
長翁於地下云長翁高郵陳氏諱造字唐卿

嘉定二年三月丁巳渭南伯陸游務觀序

江湖長翁自序

長翁陳子自謂也陳子家高郵自以無補于世置江湖  
乃宜故曰江湖長翁物無用曰長物言無當曰長語翁  
亦然或曰子以長名可也又泰然自得不以長爲歉與  
世異情何歟答曰吾之長自知良審長則不爲人役故

不勞自知則無外慕故內足雖然世固有自足且不勞  
者必有所恃翁所恃偉矣翁以不賤爲貴以不貧爲富  
以未歿爲壽請問之曰向也食以耕衣以績若將歿齒  
今而取科第廁仕籍爲七品官較之昔不爲賤向也口  
腹有不充假衣乞米不免也今奉食有田足以鋤耨自  
給視昔不爲貧生而病醫藥莫適收功不一二瀕歿自  
分中折久矣今日皺革星鬢婆娑人間佳食息未厭世  
信不夭矣三者人笑其未而吾每得自滿且自慰人求  
之新吾求之舊有大不同者棋甚拙藉以適意勝負初

不計好吟詩爲文詩寓興文寫所欲言不古不工人議  
之不病也外此無嗜好有子孫皆中才可迪以善進以  
學基以田事人譏其長若無如之何而吾安而玩之不  
厭又奚歉使知歉則失夫長之真矣客喙而去旣答客  
因行而歌曰憑江樂散聊自廷兮中枵然外則無望兮  
適所適以全吾長兮翁名造字唐卿

宋故淮南夫子陳公墓誌銘

士有名一鄉一國而名天下者其所遇之時不同故所  
行之事或異要之則立德立言立功而已其生也作法

其歿也垂芳吾嘗沂其流而尋其源緣其末以究其本  
斯人也顧出處顯晦各行其道詎無爲而然歟高郵在  
江淮間爲文物淵藪代不乏人至趙宋全盛時若崔御  
史希甫暨其子進士琮其孫秘書公度若喬朝奉竦暨  
其子吏部執中若孫龍圖覺暨其弟開府覽若秦博士  
觀暨其弟進士觀覲輩俱挺然傑出逮靖康建炎後則  
淮南江北爲疆場邊陲高郵值軍戎蹂躪民物凋殘凡  
冠章甫而衣縫掖者猶操觚挾冊弗易厥常由其習俗  
所尚然爾輿論以克繼慶曆元祐之諸名勝者若長翁

陳公其巨擘也公先世家益都莒州轉徙高郵考宗美  
贈朝奉郎公諱造字唐卿力穡多艱年二十五歲始知  
爲儒痛其過乎晚也意銳而氣勝視經史典籍欲吞而  
取之貧不能以自振配張氏富室也捐所有以佐佑所  
無從遊于里塾邵蕤元實濟南周孚信道晝夜勤劬忘  
寢與食雖祁寒酷暑陋室獨居率正襟端坐凜乎如侍  
邵周卓然立志以不至焉耻也莫復追蹤古人如是者  
閱十有餘年而猶不自足崔直院大雅勗仕進以行其  
所學年四十三登乙未科官迪功郎尉太平之繁昌縣改

從仕郎平江府學教授士衆悅服師承范叅政成大曰  
唐卿亦高郵人使其遇歐蘇名不在少游下尤尚書袁  
羅樞密點得公雜著謂是可爲師而豈敢爲友調奉議  
郎知明州之定海縣所轄七鄉其清泉二鄉枕江瀕海  
咸斥鹵瘠塉中高四下略無水利而課賦反重於五鄉  
詢其地爲江頽海齧較前不足而賦如平日無所從輸  
官民憂苦公乞減輕與餘鄉同及有失額糧稅名存實  
亡每至催徵則受督而荷累公亦控請蠲除制使交薦  
治行最諸邑擢通守房陵攝權郡事適歲大侵丐撥常



平錢粟以賑貸窮急緩限取償朝可其奏常論財其流  
弊則貪鄙論水利及救荒政則自江而淮爲南北運河  
自高郵而鹽城爲東西鹽河水以行舟而隄以障水通  
遭運而溉民田水有盈縮而田有高下但隄壞卽田沒  
昔爲函管石礎視水盈縮而以時啓閉仍置阡門其制  
差大以佐函管石礎之所不及久而泥淤河淺水漲隄  
崩公言以偶茲大旱則機會脩救荒則移運積鹽據訴  
放災傷分數結甲借支縱令售易俟秋稔計價拘還復  
募役濟河日給錢米匪直極民塗殍且河深隄固農田

可溉其實賦錢銀初非房有科責於吏若民敲榜禁錮  
無有免者辦買於他境價增倍蓰公迭辯明消豁秩滿  
詣闕張叅政孝伯見之曰有才如此乃陸沉于州縣耶  
舉以自代時方繹騷士競奔走公授朝散郎浙西路安  
撫司叅議官以歸曰吾得盡償西湖詩債足矣改淮南  
西路安撫司叅議官居鄉病卒贈朝奉大夫公于誨誘  
則良師而撫字則循吏遇祈禱雨暘虔誠感格及代去  
士民愈久益思兩爲考官去取惟允蓋公之德量則醇  
粹恢弘才學則優長該洽詞章則溫腴藻縉議論則精

確周詳身篤操修而道兼體用謀猷匡濟而策擬治安  
斯庠序之所以推尊爲淮南夫子惜乎誕育於海寓分  
裂之秋歷宦於社稷傾危之際觀其上朝廷宰輔與夫  
樞密奉使等書言國家大計天子以星芒垂象雨澤愆  
期責躬自損求以應天詔以兩省侍從臺諫監司指陳  
闕失公謂言路廣開遍周天下然後下情不壅天意必  
回宿弊未易縷條其最可畏者兵民並困兵因故驕而  
怨民困故畏上而不愛上民者國之本兵者衛民而捍  
患今苟以爲安而不復他慮其弊極矣使九品之微一

命之賤皆得以言利病攄發所懷必有資見聞設施而  
災異庶幾可息又以冒罪言事稱曰罪言其論謀敵謂  
爲吾敵者大國也備禦之不可不嚴干戈之不可不習  
和盟之不可必信其論備用謂天下疆土不及祖宗時  
而彌文浮費過於祖宗宜其無以爲經遠備也爲今則  
用不可不節其論收時謂寺觀不許典賣田宅今漫無  
禁止寺觀浸富而民田浸少臨安尹建白百官賃屋錢  
月出無藝行都空匱籍僧尼私庵足以居官僚不惟省  
其大費亦以絕僧俗之雜亂淫僻旣而中止何憚不行

茲欲救虛耗之弊當自貴近始講裕足之策當自州郡  
始自上始所以倡其下也至于正紀綱整風俗明賞罰  
審利害收人才以待用設常平以備飢加重獄官以平  
反寃濫寬容郡邑勿迫威無聊場屋中無出難題以困  
士子鏹券通用以便益商民藩屏戰征則預擇將帥其連  
章累牘層見疊出務罄竭真衷而靡虞忌諱公自以無  
補于世置江湖乃宜遂號江湖長翁物無用曰長物語  
無用曰長語於翁亦然謂平生之所守者邀樂于書寄  
隱于吏天之與我者詩文之癖著述之樂外此皆置不

動慮構堂名懷莒念弗忘其故鄉軒名思可謂向吾無  
置錐地銖積寸累今則有田可耕向吾貧而借書手抄  
心記今則有書可讀向吾理未徹學未定久隨所得入  
耳著心今則有家法可守是三可者足以不匱足以持  
身足以保族宜家夫無一可而漸至于可乘其可怠則  
將反乎不可是庸不思之乎公生于紹興三年癸丑正  
月初一日以淳熙二年乙未歲登科卒于嘉泰三年癸  
亥歲八月十有三日終壽七十有一葬于高郵縣武安  
鄉新安西村之高原公卜之兆張氏誥封宜人祔焉子

男二人一曰師文朝散大夫淮西轉運使兼無爲軍節制巢縣軍馬二曰師是鄉貢進士孫男二人一曰床秉義郎太平州兵馬監押二曰宸太學上舍生曾孫男二人一曰儼將仕郎二曰修從仕郎台州幕府參軍玄孫男一人曰寅稅課副使來孫四人一曰子奮儒學教諭二曰子英司農司奏差三曰子俊四曰子巖舅孫男六人一曰瑗高郵府掾貢克江北淮東道肅政廉訪司書吏二曰鑑三曰舍童四曰福童五曰珪六曰璋仍孫男二人一曰元浩二曰元澤雲孫男一人曰正公文集四

十卷陸涓南游序之芹宮講古三卷長短句一卷嗟夫宋季之顯官遺胤顛沛流離其所存者無幾而公之族屬蕃衍榮昌蟬聯綿永殆先賢之積善餘慶在此而不在于彼也承其後者宜何如哉抑聞諸乾坤造化之機運行不息山川英靈之氣蘊閎具全秀毓才良薰陶德器則秦郵勝槩當有紹公而作者瑗以長翁之葬治命不封不樹矧荐罹兵燹旌紀茫然懼無以別昭穆而示子孫於是訪厥宗支稽于郡乘彙萃其事謁銘于予因憶故安豐路學授俞士秀寔長翁四世孫啓寅之婿也曩



傳刊著述秘郡黌松楸蔓芳延榛荆焄蒿霜露慟愴情  
裔孫瑗也葺祖塋豎表勒銘揚厥聲豐碑突兀嚴麗牲  
歲時祝嘏供粢盛血骨香潔醪醴清神逞則送來則迎  
新安故里恒光榮前修後嗣永令名  
大元鄉貢進士監察御史翰林侍制朝請大夫東平申  
屠駟撰

校刻江湖長翁文集姓氏

勅理河道工部郎中仁和李之藻校刻

高郵州知州海鹽王廷俊全校

同知階州蹇遇泰

判官漳州康萬有 浮梁曹一誠

署學正事舉人晉江韋泰福

訓導潁州王文炳 鄒縣趙一介

陽城閻 敬全閱

前貢生王應元

郡庠生陳有典 張承華

毛一駿 朱邦道

薛希夔 李應軫

吳光範 張廷璋

陳吾道 王百祥

王百順 叅閱

江湖長翁文集目錄總類

卷之一

辭賦二十首

卷之二

五言古詩七十七首

卷之三

五言古詩八十八首

卷之四

五言古詩八十一首

卷之五

五言古詩六十八首

卷之六

五言古詩五十七首 附 四言四首

卷之七

七言古詩五十首

卷之八

七言古詩四十九首

卷之九

七言古詩四十七首

卷之十

七言古詩四十二首

卷之十一

五言律詩一百九十六首 附 排律十首

卷之十二

七言律詩一百零三首

卷之十三

七言律詩八十三首



卷之十四

七言律詩八十三首

卷之十五

七言律詩九十八首

卷之十六

七言律詩九十八首

卷之十七

五六言絕句四十六首

卷之十八

七言絕句二百五十二首

卷之十九

七言絕句二百三十七首

卷之二十

七言絕句二百二十首

卷之二十一

記十九首

卷之二十二

記十八首

卷之二十三

序二十八首

卷之二十四

書四首

卷之二十五

書十首

卷之二十六

書十七首

卷之二十七

劄子三首

卷之二十八

劄子十一首

卷之二十九

傳贊銘箴偈說共二十七首

卷之三十

文四十八首

卷之三十一

題跋五十七首

卷之三十二

論九首

卷之三十三

策問三十四首

卷之三十四

易說十四首

卷之三十五

誌狀十一首

卷之三十六

表牋六十四首

卷之三十七

啓三十七首

卷之三十八

啓三十三首

卷之三十九

疏青詞九十四首

卷之四十

致語上梁文二十六首

目錄總類終

江湖長翁文集目錄

宋高郵陳造唐卿撰  
明仁和李之藻振之校

一卷

辭賦

送龍辭三章

行春辭三章

楚辭三章送郭教授趨朝

問月樓賦

定觀賦

聽雨賦

後囚山賦

秋虫賦

遠宜亭賦

志喜賦

淮海樓賦

波光亭賦

延綠亭賦

惟安堂賦

怡軒辭

二卷

五言古詩

和陶淵明二十首

書法蟹方後

寄二孫

苦旱六首

馬上見賣白蓮者三首

蔡秀才求予所作記作詩贈之

彭尉焚巢二首

次韻章舜舉一首

次韻王解元賃地築室

次韻章時可

贈施都正三首

次潘德久韻

次韻章茂深安撫見寄

七月附米舟之浙中

召伯停舟辟雨

過樊村

呂城待闌得陳魏二生偃語

贈楊伯時

送葉主簿

次韻王解元

贈錢郎中

江湖長翁文集目錄卷之八  
次王仲衡尚書鹿鳴宴韻共五首

祈雨齊雲樓

次韻諸公清樾軒詩

代羅大著遙題雲巢

次韻胡學長喜雨

贈鍾汝楫

題徐居士遯庵

次韻徐秀才十首

次諸公詩韻

八月晦試院中作

九月二日

次韻袁憲閩兵許浦

卷二目錄終

江湖長翁文集目錄

宋高郵陳造唐卿撰

明海鹽王廷俊君英校

三卷

五言古詩

三月初晚晴寄高縉之三首

苦雨

再用前韻贈高縉之三首

謝袁起巖史君借貢院五首

寄題徐虞卿醒心亭 餘姚飯

車堰牛 舟行卽事

餞寄定海交代 復吳祕正五詩

張丞見和次韻答之 送李象山趨朝二首

遊慈溪龍虎軒 十二月二十六日趨府

十二月二十七日趨慈溪

次韻王省幹 次韻張丞

謝制帥高卿剡四首 次韻張守不欺堂

次韻不擾堂 宿雲巖山

李伯成食甘豆粥和淵明詩分寄次韻

次韻解樞幹二首 題張仲思孝友堂

次韻嚴文炳暫別歸吳門

再用才子富文華校讐天祿閣韻贈周教授

別俞君任通判三首 書隱靜寺壁

贈臧文仲四首 戒飲三詩

邵伯阻風小泊贈送行諸公

次韻丁判院 泊瓜步

魏帝廟 長蘆寺二首

泊龍灣

龍灣看初日

舟中除夜

草鞋夾

泊慈湖北岸

泊府口

采石渡

上下驛磯

蕪湖感舊

過繁昌

繁昌早發

四卷

五言古詩

泊海子口

泊小姑山

郭家洲

富池廟

離富池

馬口

銀葫蘆

回風磯

龍眼磯

散花洲晚泊

度樓

題六宜堂

次韻余司理

禱雨福溪巖

近榆亭七首

答余司理

教授有詩再次韻

次韻余司理路監獄

和陶淵明歸田園居六首



病起四詩

題陳主管與廣樓

題雍和堂

題通明堂

次韻余司理

離伏龍

過八疊山

還家登悔來坡

程帥和陶一詩見憶次韻

次程帥和陶詩韻

謝程帥袁制使十首

程帥以詩見慰用韻謝之

梁廣文歸自襄陽作古樂車迎之

次韻陸子高二首

感事十詩上李侍郎

隱靜道中

同陳宰黃簿游靈山八首

郡寮按樂飲趙判院有詩次其韻

再過楊秀才莊

卷之四目錄終

上胡長翁文集

目錄卷之四

知

江湖長翁文集卷之一

楚辭古賦

送龍辭三章

宋高郵陳造唐卿撰  
明仁和李之藻振之校

沈燎兮桂醕笳簫嗚嗚兮逢逢其鼓緩吳歛兮踰越舞  
送龍兮歸處龍之歸兮悅娛翻倒霄霏兮膠轄霧雨歷  
館娃兮不畱過胥口兮小顧水天模糊兮迷仰俯僊真  
迎兮排空蛟鼉駢羅兮而在下祥飈肅兮綠輿非煙羃

兮紫府翹儂望兮何所目屯雲兮南驚心靡迤兮延佇  
其二  
旱氛兮炎浮地毛焦兮金石爲流龍不來兮殷憂心憚  
忡兮孰謀戴儂目兮侯龍之遊龍翩然兮副求呵蟄雷  
兮鞭潛虬忽墨雲之崩騰空漢兮黜黯曹夫昏晝擬甲  
馬之喧空兮砮飛練之淙溜夫豈不能噓膚寸彌六幕  
兮胡嗇其施於此州眷吾儂龍所私兮匪新而舊安棧  
飽茹兮龍之佑願龍兮千萬壽暨我子孫兮蒸嘗春秋

其三

雷車輶兮電焱熹孽氛靜兮旱魃摧龍之來兮慰我思  
翠其幢兮羽旗乘煥燿兮紛躩踞龍之去兮盍徐之蜚  
兩兮一旦再室予居兮穀予饑眷他州之朽樁兮匪龍  
其吾曷依東阡北陌兮謳而嬉右湖左海兮夜不扉林  
屋之洞兮蟠翠微瓊食兮貝宮雲敷兮玉妃奠龍居兮  
無愧功成兮龍則歸送龍兮陳辭溪藻芟兮山有蕨薇  
戕吾歸兮幾時

行春辭三首

白沙兮青莎徐予車兮坡陁駐屯雲兮颺雨沸後海兮

起波紛雅綠與小紅媚丰潤兮靚嘉聲禽鳥之啾喞偕  
人語兮相和驚鷄蜚而跳犢兮儼倦憇之人家翫歲華  
之俛仰兮復躑躅而此過彼何人兮駢首爭指似兮笑  
譁鏗有擊兮長誣疑其譽薦于之歌

其二

訟謀兮糾紛榜槳兮未全閑色不形兮意孚每厚顏於  
叢賢揖父兄兮使前尚笑語之怡然道菽粟兮卒歲審  
里閭之相安食三鬴兮袴襦悼單枵於昔年我酒旨而  
肴可茹兮屬饜兮共此杵觴一行而三謝兮起且坐而  
誼繁歸目送而扶路兮予亦倦踞而假僧氈

其三

懣官曹兮縛虎擁簿領以昏憤竊逍遙於數刻償澳汨  
於終歲倚僧垣睨鴻影兮滌胸塵而一快飯雲子而泛  
乳兮引吟興之未沫吾西道之主人兮有老禪之晤對  
愈雙瞳之月淨兮館授予而已再頑予姿之麀鹿兮合  
巖栖而釣瀨况泉石之入眼兮浩歸懷之自倍計三徑  
之可具兮顧二頃之猶在明年其餞西歸兮將家漁舟  
老牛背也

楚辭三章送郭教授趨朝

昔尚父之之國嘗寢甘而見譏懷與安其費日亦館人之或知豈以抱當世之志而常後可爲之時耶有美一人兮居今而與古謀氣飄蕭兮好脩邑中之哲兮獨能闖閭突於軻丘扈芷蘅兮荃其佩櫝驪珠兮匣干將而未試雖未試吾何慊兮顧簪裳猶可隱蝸廬槃薄兮天地儼其蓋軫一世繫望兮如蒼生何君何心兮山之阿  
麴甕社兮羞藻芹無爲此焉婆娑

其二

儒之宮兮千柱耽如峩冠倚袂兮羣而趨食焉稻魚兮隸焉詩書我侈其成兮繹其初誨掖之孔敏兮築興之不徐償於昔煥於今兮繫百年其有待企三賢而相攸兮遺躅未沫匪若人之良茂兮吾將奚賴芹波搖日兮槐陰轉午一塵不棲兮重廊邃宇執經前兮儀儀而訐訐君頽舒舒兮而究而語有粹其文兮有覲其古風舞雩兮步趨繩矩鄙人留眼兮夫也接前人之武人今翩鴻兮與南翔雲氣蓬瀛兮覲虛皇膏腹霑被兮淮之鄉君之惠兮鄉之人不可忘

其三

爰有人兮嬰珊偪側耕耘寒暑兮圖史儒墨吟抱膝兮  
山南水北佩明月兮冠切雲曳芙蓉兮敷芬冰其茹兮  
蕙其薰之於世曾莫諒兮蹇吾猶淮之濱塊予揆夫初  
度兮磷競疆而爲懦髮之新兮志偕而墮非金玉之人  
兮孰振吾過有牽其復兮有倡其和完予獨而息黥兮  
覘新功以自課一息悅三秋兮胡爲去我而他之此君  
行兮指日邊章陳兮君席爲前揖風袂之翩翩壽君兮  
綠樽貝宮靚深兮碧落寬陵天風兮整羽翰君無謂予  
兮考槃有塵冠兮待彈

問月樓賦

休予暇兮銷憂緣空闕兮躡飛浮小萬象以孤凌聊徒  
倚兮茲樓主人敬客玉其醴而瑤舟忽霜月之飛來傍  
欄角兮窺簾鈎媚客衣而不去疑卽人而有求俯皓魄  
以可攬宜致辭而見酬挈吾所疑舉其維俾曰厥分天  
地則有此月乘空明鏡寥沈零沆瀣噴玉雪知廣袤兮  
幾何曾珠宮而貝闕塊僊子之幽獨儼童顏而紺髮是  
耶非耶肇爲此說藥曰丹成兮孰所躋茹桂枝漂香兮

何許根葉玉斧今何用修妖墓兮胡此穴寒可禦兮何  
 術飭可昇兮似謫珠何賴兮壞成之異潮何待兮隆殺  
 之絕方中兮俄墜適圓兮復缺奚所恨而頓虧誰所役  
 而遽沒世同曹此請究終始主人長笑避席而起酌酒  
 謂客毋泰多事萬古今明月短生兮客子彼高閣於起  
 滅此同囿於生死一歡乘興且用慰喜若夫南浦結恨  
 幽閨凝淚窮簷漏屋之瑣尾孰若茲樓之尺咫微之弦  
 暝之晦煙霏之陰暄風雨之披靡孰若晴霄之如洗偕  
 良會於今夕嗟百年今有幾底用計茫昧之傳聞矧儻

恍於非是吾肴則豐吾酒甚旨姑可置興亡於度外冥  
 身世於一醉客曰噫哉長喙大哈迭勸更醉挹瓶注壘  
 撫月姊於座隅碎柱影於瑤杯誦楚騷踰吳歛信醉山  
 之欲頽啓明上寒鷄催羲馭昇駢車回昌軟紅之舊塵  
 况市聲之隱雷

定觀賦

張君錫雱不利秋闈作賦見遺辭意奇壯作定觀賦荅  
 之其辭曰  
 面頰之敷腴胸襟之恢疎譚辨之傾輸子張子眇眇高

蹈力雄萬夫我擘雋於南州闖風壑之於菟揆若人而當價金華蓬山信其有餘固豈山澤之臞儒也哉胡乃蘭傷玉缺盤姍甃甃黃金注而得昏美璞獻而遭刖撫繡緌而三嘆駭霜蹄之一蹶方且寓喑鳴於雕蟲之技陶性真於盃中之物陳子曉之曰事之宜然而或不然者天之勝宜然而不得不然者人之定洞視天人之表而不吾滑焉君子之善應臯也覩然笑今也怒然悲蓋未始得其正彼其搖搖於寵辱之樊皆於理聽之瑩乎夫聖之逐忠之剖賢也而懼盜也而壽理好乖於所期

是固諉天者得以啓其口羿之射有撥其矢石之斤或掣其肘然竟非拙工之敢偶蒲捐以一跌而棄夜光以微類而培孰不市駿議寶者之咎以定觀之人之勝天也久矣子其尊所有勉所無勲負文藝之藪周旋道德之塗吾見夫至寶橫道隨和過之必且攘取而疾趨則夫儻於前而振於後遺之寸而收之尺顧何歉歟彼託意於酒者古人有之而或以蕩心而敗德聲其怨於文者君子許之猶未足與語超然自得之徒羗吾言之率爾子其繹之是邪非乎子張子作而謝之其貌舒舒其



江浦長翁文集卷之一  
七  
氣愉愉若不知得喪欣戚之何如

聽雨賦

步前楹瞻列星問雨而愍晴雲河斜澹淡明悲惜於邑  
退坐風櫺憂而倦倦而寐寐而驚進新涼響微零下簷  
隙喧中庭策策而丁丁琅琅而玲玲非琴非筑金撞而  
玉淨俄焉建之甕盆之傾懸麻澍澠雜流泉之洶駭亂  
甲馬之逐轟喜躍蹶起呼兒晤聽時也燥枯惓焚自夏  
而秋東驚西馳哀祈乞靈款龍湫叩神扃奠斯幣而刑  
牲者蓋無虛日今始聆乎此聲苗悴悴而將槁悵此願

之莫憑脫如願也槁者已矣悴者庶其復榮今茲之雨  
雖云後而尚及事坐想夫南視北西遠隴近平在谷滿  
谷在坑滿坑自今以始玆會之淺深溪澗之縱橫淙虹  
兮萬斛之傾輸鏡澈兮千頃之泓渟映涼葉之朝翻涵  
嫩畦之夜青苞者攢槩秀者森芒兮莫不引稚而抽萌  
憔悴歎咤者生意之頓回奔驚跼踖者舞踊而經營洗  
穉子之昔憂歛春臺之共登且得以殺吾頽之驛頽息  
勞慮之忤忤蓋去國積年者繫夢於鄉枌枵腹彌日者  
動啄於藜藿一旦陞堂皇挹父兄嘗稻梁飫侯鯖異幸

禱祠而不獲者不啻疇之渠此樂之易名而況匪輔胡  
車匪根曷莖凡吏之安否視戚休於下究其理民則重  
而吏輕今者里詠塗歌含舖擊壤之餘尚不釋然也夫  
豈其情燭旣跋僕屢更我甌斯臥爾歌載賡呢鄰鷄之  
旣鳴

後囚山賦

余子爲房之獄官四十閱月代者乃來而以事留留非  
其罪房風土甚不宜人袖二賦見投時秋高矣有可憐  
者因作後囚山秋蟲二賦寬之且以自尉旅寓也

柳先生蛻迹中朝落身南州卽囚山而命賦寫胸次之  
幽憂讀者哀之至今心爲之悽怳而聲爲之悲啾房陵  
斗州窮巖絕隘裂石廩之一罅瞰千室而斯在層峰疊  
嶂自蜀而東亘二千里此焉未沫嘗憑高而舒望取羣  
愁之一快拖頽蒼繚寒碧兮了不究其所屈騰陵勃怒  
崩轟闐沓植則困縈則帶蠹焉如郭銳焉如鐵馳萬馬  
於曠莽翔羣龍於霏靄又似夫颶風之塵萬艘翻濤瀾  
於渤澥天雲若可手擘而日月爲之隔閼嗟予與子胡  
此焉仕按亦簿領庭亦卒史居無以泰吾心而遊無以

投吾趾時則誦柳先生之賦而知其有以也夫其猿顛  
鳥什窮號懾墮真狴犴之可駭也出不易入不可出  
幽僻塊處荒傖瘦民悍容而獰音日接乎前幾刻木之  
與對也嵐昏滂朝黯掩瞠晦僵人骨而酸鼻亭午未已  
仡仡者病壯者癡也由漢暨唐王公貴人悖而罪劣可  
矜貸母此來之昧也自我解裝歲律甫遷向行止之坎  
流今匣兇而針氈嗟若余子盤薄四年局不得歸欲語  
復茹反諸已而靡愆袖長賦而見投慨今昔而潛然痛  
亂山之見囚束寸步而莫前牢愁幽憤指腸淪髓匪接

楫而踣頓不繼檻而倚止何高高之不仁而使我至於  
此也蓋嘗繹子辭究諸理子之所以惻愴而自悼我之  
所以感動而促戚者君子有弗是也彼漢唐之逐臣例  
庸房之廢徙則亦干國之憲不容自己吾與子來其始  
誰使非以其窮塗之絕援資身之無策博斗升以飽饑  
而遁死如庸賈之走荒裔罷農之守堯堉曾不暇計去  
取於彼此也耶以吾校子又進退之異趨齒髮之懸殊  
環索吾中稿涸而空無彼子柳子趾劉躡呂豪韓與徒  
若韋中立吳武陵之桀然方且望塵躡影蔑齊其驅彼

其一且跼踖於嵌巖巖阻之幽深宜其號鳴悼喑不能  
一朝以居予之朱愚質之朴踈才之卑迂萬非時須而  
遽乃輦頰掉中梢焉慘焉以賊和而傷生夫何爲乎訊  
歸計於蟾蜍第圓缺之六七付古今於俛仰聽暑寒之  
更迭雖浩劫之悠長尚激矢之漂疾吾方左右圖史深  
居簡出揖勝友於南山對春色於九室壹不假犢背之  
書超然乎縶維繫攀之表非三花老仙孰其委悉子以  
吾言爲何如余子謝之曰沈憂滯懣吾已失矣

秋蟲賦

金飈之淒清鴈空之澄凝叢悽聚悲而爲萬壑之秋聲  
非鐵心而木腸疇能不悼其魄而動情況夫唧唧切切  
更應迭和自宇而戶彼何物耶如私語如怨想如盆罍  
之抽緒斷而復續專中宵而悲鳴有不聞爾信能令志  
士之竊歎而思婦之涕零揆生世之幾時胡歷耳而女  
聽予已冥蠻觸屏螟羸捐青錢市黃糲盟新筭命白墮  
究三齊之妙而供百榼之課彼夫鷄窓之雕鏤螢囊之  
吾伊等夜蟲之么麼

遠宜亭賦

創小亭名而賦之曰遊女之翩翹望之疑仙也迫而視之或不逮前奏樂于座鏗絃膠葛心之適耳之妍也有不若張諸空曠聞之眇綿婉以清和而圓南山之信美兮吾乃挹其杪顛惟夫近故湫束於闔堞蔽虧於市廛繫斯亭之表立峰岫陞嶺之嵐霏濃淡煙雲幻變按領其全營斯名斯庸諗時賢休暇日而一登是可以誦遠遊賦超然也

志喜賦

五月十一日近代者途中作

出城陰而轉首緬散解之亭岩躡踈影於康莊翳纖雲

於晴霄揭石瀨之泓渟隱鱗甲之搖搖眄山凹之室廬紛語笑之耕樵山鳥哢兮嘲啞野芳嫋兮妖韶駢萬景之橫前壹詩題之見撩我肅客而暫來胡意氣之囂囂揆歸塗之此由矧仄期之匪遙從官牒之百舍寄十口於萍漂寧簿領之憚煩而供饋之寂寥第松楸之繫懷喑老鬢之日彫鬱還家之夙願中不火而每焦幸歲律之再更驚此心而飛超忽合符之諗期慰跂望之無聊秣吾馬兮脂牽挹阿丁而聯鑣亂清鏡於粉溪排擘絮於山椒屈吾指兮寢久茲伊夕而匪朝躍脫檻之鷲獸

快辭鞫之皂鵬儼此樂之想像覺吟興之漂蕭歛憑軾  
而坐寐夢已馳於外朝

### 淮海樓賦

帥相郭公卽揚州南城爲淮海樓偕客落成高郵陳造  
在焉命之賦其辭曰

娛暇日以登覽兮若斯樓之巨麗暝簷影於空闊兮循  
雕欄而徙倚日定眎而猶眩兮足佇立而竦猓棲浮靄  
於朱薨兮遲義馭於平楚來禽去鴈却略跼踟而捩去  
兮霧霏羃奕翦聿而在下陵迥漢而舉飛雲兮騫鵬舉

之垂天覘萬井而數計兮挹峰磴之橫前吳封楚甸間  
列疊出而自獻兮納納未憇明霞斷煙割海門之塊峙  
兮眇浮玉之一拳演江流之橫界兮衣帶之紆餘脩蟒  
之蜿蜒曠莽恢大四向而無際兮遙衽席而瞭然我遊  
武昌載登南樓想元規之遺躅泊典午之清流緬懷仲  
宣登樓有作顧臨眺之信美終回遑而靡樂孰知夫曠  
千載而相望叵賢否之俄度惟汾陽公分君相憂功存  
宗祧身臨邊陲屹控阨之巨防躬熙代之康侯靜鎮榆  
塞創爲茲樓將歷覽而俯省目所圍之備周深計遠圖

寧爲觀遊彼擁扇而障塵每解顏而借羞揮旌纛而少  
彌肅賓僚之濟濟匪晉公之儀曹外郎陳思之程楊應  
劉疇獲偕此玩面勢之隆崛瞰山川而顧指表桑麻中  
薨宇揭舒画軸兮對主賓之宴喜借胡牀於末席容霜  
毛之客子儕珉塵而分惠殿羣英而薦醴浩逸興之漂  
蕭豁幽懷而憑虛倚北戶以微睇儼桑粉之弊廬親色  
笑於犀塵陪觴詠於晨舖斬依劉之羈栖曾愴惻之不  
無訂休戚於今昔詎劣優之錙銖夫此衆君子之所以  
拔援遇逢之厚幸顧餘瀝之丐予者也羌勝集之超然  
寧飫宴之云計究樂事之攸寓後謫僊而鮮繼進續命  
賦合辭一喙泚吾筆而長吟颯天風之搖袂

波光亭賦爲帥相郭公作

汾王後身金阜老僊笑譚功名師友簡編手神丹而活  
國身長城之護邊虎節所臨犢佩已捐興什振蠱輩古  
所傳有亭屹立城闈右偏插深池之清泚凌蒼靄而高  
騫面勢之孤危簷榮之躡連在公之設張經畫纔太倉  
之稊米已度越於後前想旌纛之每臨宛笙鶴之雲輶  
賓從媻媻笑歌嬋娟掃亡國之淫哇奏新唱之清妍泛

江漢長翁文集卷之一  
淑景之香紅鏡靚粧於明蠲接罷亞於畦疇眩縞潔於  
山川春秋冬夏信非我有而我按與之周旋佳月上今  
闖水奩微風動兮媚漪漣撫物而得之應世之心池月  
之湛寂緯武有文風漪之自然推此用之躋世五三軼  
勲四七將俯拾而需旃是猶衡氣機也耶世識之規恢  
之後吾得之拱默之先彼不知者方以吾爲億中而或  
者必予其知言

延綠亭賦爲高秀才作

子高子襟度翛然抱負崛奇辟俗如雙豎而愛客如色故

築亭寄隱屹莽蒼而瞰渺瀰方竭澤而揚塵喑吾遊之  
不時因援毫而進牘聊想像而敷辭爾其泓渟兮鏡揭  
浩泚兮天垂妥寒晶之如空湛蔚藍之無涯奏蛙坎以  
分部凜冰崖之合圍素揚暉兮連娟紅倒影兮芳菲目  
謀心愜把玩四時晴雨晦明雲煙紛披江籬芷蘅之綠  
縟別崎枉渚之因依眩多景之偃蹇隱几者默焉袖手  
領攬而無遺固可以動楚客之清吟抗陶觴而一揮況  
夫挺萬蓋之傾欹覆千鞵之逶迤嫣然笑粲媚靚粧與  
醉態或玉頰而冰肌無乃飛瓊姑射之娣姒儔侶儷香



江漢長翁文集卷之一  
叢艷不招挽而陪隨彼翔翠碧於蘭茗點屬玉於淪漪  
皓鶴側頸於淖濘鵝鵠偵影於鯤鮪烏鵲窺簷而評語  
意而拂袂而差池則皆怡然莫逆相晤忘機者也至其  
樵歌之斷續漁笛之嗚咿款乃之無惡聲笳箏之有安  
棲塵外之適子其可私若乃悟直鉤之妙意飫葦間之  
新得儵有至樂漚無驚飛則又有以超然乎芸芸之表  
豈獨詩可瓢而酒可卮予將爲子飭道腴而醉真醇何  
必要汗漫而與期

惟安堂賦

子鮑子爲已之學經世之資投刃成風儒先吏帥作爲  
新堂歸防暮遲惟安是名命陳子賦之陳子曰世有至  
愉佚在已而非物士有真富貴非金朱之謂蓋是心也  
以道寧以物矜寧之存矜之喪孰能名仕版而志漁樵  
之往還身官箴而思滄州之浩蕩等聲利於柎楊馳遽  
廬於伯王悅然乎進爲悠悠乎去歸羗卷舒之無心豈  
出處之異岐翳鹿門之衰翁若方伯之予浼偕子耕而  
妻耨寧燠寒而飽餒曰遺安之是計終長往而不悔彼  
陶翁之不屈爲無食而暫出賦歸來而投簪徑反關而

江表長翁文集卷之一  
容膝審吾身之易安顧何賴於紳笏惟子鮑子超然高  
驥仁宅之爲居兮匪義塗吾無行玩名理以自怡兮謹  
邊幅而爲防鼓吹乎諷吟介甲乎其溫良因時顯晦偕  
道翱翔遂初可尋漚盟不寒固優追元亮之高躅懷寶  
不迷中外無擇又不屑龐翁之退藏雲脫岫以陰合水  
反壑而鏡清異屈子兮衆皆醉如徐公兮世無常夫何  
往而不安顧眷眷于斯堂惟歷聘而轍環曾仲尼之暖  
席當去齊而濡滯孟子庶幾於齊國矧火曠之肆虐仰  
嗣聖之盱食死徙蓋幾何人而焦勞異乎生息行子學  
以撫時吾固知可以寧奔逸而植僵踣俾橫日之同安  
兮喜氣亦形於玉色是謂推已以及物心泰而罔咈與  
夫蘄吾之安而土直一世者於道孰爲失得耶子鮑子  
心融首肯乃言惟服

怡軒辭爲臧子與作

金碧今丹朱瓊其堂兮金鋪曹危機之任是曾未聞於  
憂虞秀眉兮曼膚銜宮吐羽兮鎗金奏竽詫聚蚊兮一  
醉竊暫快於營營之餘吾居兮若陋而安吾中兮若局  
而舒陶冶兮羣書蕭散兮槁梧與俗兮風馬牛解卷兮

江湖長翁文集卷之二  
檉株拘子臧子所以自得而適而不知者以爲疎而迂也  
也胖吾體今道之腴遊吾心今化之初推而大之庶幾  
孔氏之所謂忘憂顏子之所謂不愚蓋將挹古聖賢而  
造膝雖造物者亦惡得而加諸

江湖長翁文集卷之一終

江湖長翁文集卷之二

五言古詩

和陶淵明二十首

予幼多病不能飲酒中年稍稍  
近杯勺延賓客對妻兒每舉少  
分亦能數舉陶然足樂也頃以病復作  
絕不飲對飲者意輒爲之酣適暇日讀  
淵明飲酒二十詩并東坡居士和章遂  
次其韻紹熙壬子閏二月定海邑齋

作計憂患場賢聖頗中之淮鄉酒價賤希復獨醒時齒  
髮變今昔撫已屬負茲清坐挹飲客辭費未免疑客歡  
我怡然此戒何妨持

壯歲銳著述曹欲藏名山中間忽自哂聒聒厭多言棄

置杯中樂雕鏤耗歲年不知百歲後何益空名傳  
薄俗不難化君子要得情善政良易孚循良本無名一  
從吏海邑我暇民樂生穿填虎自避心真鷗不驚且了  
飽飯課不問報政成

不念建德遊狂作心奮飛一溺狂泉飲坐受人所悲吾  
樂有餘地醉鄉真可依酌觴初問塗嗽醪便知歸棄置  
近藥裏改絃計扶衰歡趣固自若誰謂志願違

捐金得嘉旨舉室更笑喧老子舊小戶醉帽每先偏卽  
今省酒費或辦歸買山吏隱有定趣縣債當亟還乘流

遇坎止畢世佩此言

張竦詆陳遵彼此竟誰是徐公今似優昔行未容毀中  
年覆觴過畏病乃能爾兒輩無真見韞袍賢錦綺

海鄉亦好春紅紫紛蕤英黃鳥把庭柯啁啾如有情知  
我得碧濤似勸花前傾豈知好飲客靜坐耐耳鳴茹津  
拆紅泥鯨吸看後生

碧濤酒名

骯髒老眉面豈是趣世資謬著百僚底蹙蹙疆折枝深  
知才用短敢謂時命奇歸耕不顧計更問婚娶爲何向  
不貧賤肯爲寸祿羈

公朝不遺才蕩蕩天門開雜選盡奇士騰凌舒壯懷有  
客尋遂初與時自作乖脫粟傲肉食官居當巖棲東州  
拜璽書西州迎芝泥夫也商聲謳滿屋金石諧詩書孰  
踐履簿領甘沉迷平生獨往願萬牛挽莫回

自公有至樂詩卷還座隅得句一吐之嬉然忘窮塗百  
世一俯仰萬象付馳驅吟情當飲興其樂皆有餘役心  
聲利場咄咄彼何居

卯金穿窬雄典午盜有道當時附炎人忍耻稱國老延  
之終代北范粲車上槁矯矯竹林儁麴蘖豈真好陶公  
諸公右炯若橫道寶不就酣酒逝亦恐自標表

訪書酒誥空楊子浪傷時頌德譽大人劉伶頗費辭人  
生意行耳暇復商略茲用已律世人一信起千疑規規  
滯所然在物寧非欺我心受風舟漂然隨所之

人生無賢愚彼是皆夢境矻矻迷所求冥冥睡未醒此  
心方放紛息念乃要領衝風有驚波握苗無佳穎夢覺  
悵今昔吾其默自炳

暇日坐北窓好風竹間至楚騷偶到眼開卷已心醉愛  
君君子心湛身抑其次自靖各所安苟難豈所貴非渠

江浦長翁文集卷之二  
工語言誰遣忘肉味

憤憤綺紈兒客或大其宅長公抱肖奇所向有削迹窮  
達吁可驚賢否乃什百請君勿此計計之當浮白九品  
寧用評四并良可惜

細閱史氏書宛若身所經夢錄以命之過影紀虧成一  
堯間十秦寒暑倏變更我起千歲後遊心於大庭俛仰  
海塵楊鼓舞天籟鳴紛紛閱過前表立俱志情

予讀史名以夢錄

達觀無畦畛自狹叔季風典書有佳釀飲徒常眼中彼  
醉我俱適未覺介勝通剛制免寂寥政復人得弓

少從師友間雅意效一得中年彈塵冠欲起復回惑初  
無輔時具吾責良易塞卽今禹紹舜羣俊萃王國臣猶  
自知之環省每愍默

昔人蟻壤遊方復詫貴仕回首辭窮約投分感知已鄰  
鼓驚邊隅得無參養耻戰酣日爲却血尸三百里推枕  
視窓日前事皆可紀向來心營營乃始得真止彼此誰  
賢愚所恃那足恃

陶翁出宰縣徑去亦天真閑居詩成集古雅仍深醇坡  
翁訪赤壁臨流雙鬢新小袖補袞手千篇準過秦兩翁

閱當世眇若毫端塵熙豐望義熙愛君最忠勤向非與  
道俱寧爾著語親自我誦遺編行身少知津敢忘注爐  
香亦復墊兩巾鼎鼎蓋棺前期無愧斯人

書法蟹方後

放麈念號鳴易牛憐殼鯨仁心誰獨無天機或待觸悠  
悠寄宇宙往往徇口腹君子一飽適庖事不到日寧知  
刀俎間宛轉無聲哭空蜚與土穴暴殄無遺育況此佳  
風味世肯貸爾族炳炬擒肥沙免介薦膏馥向來橫戈  
怒不救搖牙酷醬浴酒拍浮方法忍抄錄躁擾至絕命  
耳聞痛在肉淡茹吾能事晚食媚山藪

寄二孫

憶昔初抱孫雙鬢颯已秋眼看與我長歲月如許適我  
以薄宦西汝爲守舍留夢輒來後前歲律歛再周想今  
與迺父長我更半頭天姿粹而溫整整靜不浮六經如  
取攜八面自優遊落筆動萬言頗能如翁不如翁何足  
道抗志須前脩良匠有妙斲惰農無厚收彼哉碌碌者  
不源而計流吾言不虛往過是夫何求

右尿

阿泰幼儻礪勢若泛駕馬暫別已束髮折節殊曩者誦

書口瀾翻晝夜曾不捨課肯犯雪供筆亦揮汗把才地  
校優劣不在阿儒下平時於方兄眇視真土苴念翁少  
年日爲學不餘暇混俗類疎放秉心迺儒雅兒今頗肖  
吾解笑時苟且師匠求有餘好書不外假緬懷螢雪邊  
力倍功更寡可用吾季孟直輩古班賈

右辰

苦旱六首

旱氣乘炎熇觸耳仍怨咨九重正宵旰解頰定何時書  
生身世憂寧止八口饑可復河朔醉欲賡雲漢詩  
雨師久退藏風伯恣吹鼓蓊然西郊雲離合太熒侮及

茲一汛灑頗亦清裨暑幾占魚鱗天僅得龍尾雨  
我雖甕社居有田不瀕湖漫漫湖水長奈此田中枯攜  
文客邊侯劣可輸殘租薰瘁不識飽愧爾耕田夫  
枯旱歲十九無若今歲酷日色雖許赤苗心尚餘綠舉  
觴勸睡龍雄飛勝雌伏作意收桑榆前愆儻容贖  
蒼生惜死所倚須數寸澤連朝油雲度空勞問雨色豐  
歉恐數然造物莫爲力定知天屢陰爲爾動悽惻  
頻年忍流移猶幸稊稗孰稊稗亦已無何以填饑腹時  
方迫凍餒執恐曹榮辱儻無意外憂根蘖猶可斲



馬上見賣白蓮者三首

引息度奇暑風日正交戰淮鄉六月春  
嫣然檐頭見香凝素囊拆濕餘清露  
法豐膚專正色一忠百佞賤祝融  
迺司花慰我紅塵面買歸一盃適得共黃葵薦  
東蕩百頃寬滿蕩蓮結花孤村蓮蕩西  
茅茨吾所家年年紅紫盡爲春留芳華  
酒船墮雲錦歌棹凌瑞霞只今鄉間夢  
不道身風沙把花但三嗅對酒長咨嗟

東蕩花清晨西湖渺無津涼荷引天遠  
極目粧面新鳴榔與鼓柁彼豈尋芳人  
香風漂我舟領略不及賓當時賞花句  
興在迹已陳歌似冰玉友花面俱迴春

蔡秀才求予所作記作詩贈之時蔡移居

古人四壁居今人猶歎息蔡子携百指  
亦自無四壁分絕檳榔求未斷文字癖  
此行誰知己所向盡艱食予文久自知  
不作杯水直方君忍饑雷可語寧此石

彭尉焚巢二首

彭以葦經名堂

彭家柳邊堂江色潤書画迺公根抵學  
衣傳自心會唾手勲業餘探妙文字外  
區區青紫計韋子豈君配神物護揮毫  
而不告成壞赫炎卷地過椽瓦了無在  
賴是堂

間書萬軸腹中載迺公洞天理否傾則爲秦向來薦才  
名開口取猜怪從今柳先生頗爲參元快

迺翁五車讀弓劍初一命九十歸田園顏丹眼如鏡客  
來不告倦筆落有餘勁霜嚴草花落松栢獨也正吾憐  
盼與扎徐閱襄昭定濟美竟寂寞陳編漫輝映翁家戲  
綵郎足繼賢業盛雄詞逼王楊奧學窺韓孟援今校古  
昔兩翁猶此病今段天試君處此要以靜

次韻章舜舉

天孫望河鼓杳眇河西東參旗映天梁歛作秋夕逢人  
生風馬牛未害心期同章侯大雅士抱負難形容平生  
萬卷讀會意春冰融小遲風雲期未剖琳琅胸我頃誦  
清句神馳水朝宗識面勝聞名論文得新功炯彼如意  
珠來自仙者宮徑作君苗焚執筆吾熱中荒學顧何取  
目昏鬢已童惟應得石友天用慰塗窮

再用前韻贈鹽城四士

行李小槃薄海西禪海東交情半新故生世有遇逢從  
我二子草木臭味同業工画眉嫵飾此冰雪容高軒  
一再過向我作春融陳侯犀一角錦腸星斗胸章侯金

江汝長翁文集卷之二  
三百五十一  
百鍊學派傳正宗楊侯較諸楊朝墨收儁功王郎天地  
間合侍明光宮我老一無可短翼羣蜚中樽酒剪銀燭  
詩錦佩奚童寬破十日留文律得細窮

次韻王解元賃地築屋

饑麟不落毛士生常百憂何人金爲埒振客不待求之  
子磊砢胸貯書不貯愁焉知奉二老百指借岸舟方耐  
冷侵骨未暇吟掉頭目前慘懔託急於温飽謀詩來慙  
窮狀讀想寒颼颼我亦寄別巢其拙真病鳩每慙烏所  
瞻更羨鸞出幽君看沉沉者生不譚軻丘可食忘嗟來  
至寶忌暗投天地吾遽廬此理君信不爲親儻可屈三  
返無宜休

次韻章時可

般門難呈拙仰屋方自咎詩肩卓兩峰因君笑今又袖  
手非不佳拜賜良獨厚翩翩王公孫肝肺衷繪繡向來  
傳新作價欲擅文囿妙語再墮前吟玩忘昏晝江濤駭  
澎湃風竹聆踈瘦足我學古心如飲得美耐氣無寒郊  
寒派續後山後采采葩華林羣芳釀孤茂錯刀合瓊瑤  
內索慙寡陋肯如周人朴唾去不一嗅

贈施都正三首

嚴巖神仙居不受世塵流棲身白玉壺眼淨詎容唾主人敬愛客馬秣僕不餓洗心爐薰前容了舊經課兩窓舞晦明風竹作騷屑斷無思歸夢人境兩清絕道人氣金玉妙論挾冰雪未須金鼎丹始可黑霜髮欲觀芸芸初當求根極地古今貉一丘貴賤魚千里緹雲翳太空玄珠在深水安得數年閑與師商推此

次潘德久韻

潘茂和買妾不成其兄德久有詩卽席次韻

沉沉王侯居列屋皆妖妍性斧糜春葱日詫歌舞筵孰

知山澤儒超然廣文氈野花供嫵媚山月獻連娟潘郎真吾徒常加視後鞭居無鮑生馬紅粉風蓬旋張公爲石奴處仲政復賢繼今看遠業賤子當留年

次韻章茂深安撫見寄

引領數仞墻坐歷幾秋仲西風度凝香稍羞文字供使君今退之一眇士輕重碩德金玉文天畀爲吾宋鄙夫老世紛萬事曲肱夢向來竊膏馥編綴飽吟諷此詩含古意羣騷之榻頌理窟有餘地猶許一醉共名卿璧一雙豪士笛三弄侍公眼生纈聊自歸鴻送

七月附米舟之浙中作

白垂散如蛆黑垂聚如蟻循緣仍啞齧欲寐復九起吾  
舟玉爲粒生此果何理神奇作臭腐秋暑况如燬人生  
託洪爐一飽蓋分爾臨流念彫年胡廼置身此笑口忽  
喑惋曼膚或瘡痂隄防費應俗情僞良不美短籬護松  
菊吾歸殊可喜錐刀詫朋儕嗟爾商販子

召伯停舟辟雨

去年是日之山陽辟雨繁梁作菩薩蠻云

窓度荷芰風舟艤鴛鴦浦落帆憇篙師辟此白淙雨長  
征取愜快留滯不云苦適喜縣麻執爲盪鑠石暑去年

舟繫柳臥看虹飲渚龍公會事發尚記跳珠語崎嶇不  
諧俗似爲龍所予一盃酬新涼開甌先酌汝

過樊村

襄鄂二千里何啻三百灣風色九順逆左往復右還舟  
行已三日沿流不作艱卽今蒼煙面猶是泊處山信次  
有定期曲直了不關聊可供戲事輕撓與回環

呂城待闌得陳魏二生偃語

呂城望犇牛道里不作遠徙倚不容前奈此河流淺窘  
步客懷惡癡坐僕夫倦班荆得兩生偃語忘且晚文卷

得細披湯餅亦粗辦生須朋從樂時亦尉連蹇長吟行  
路難回首偶耕願卜鄰儻君等老我幸無怨

贈楊伯時

璧月無纖翳冰壺不受塵西京子雲裔有官居士身今  
代龐德公淑質秉大雅生事一丘壑龍鳳拜床下緒餘  
辨官業膏馥付爾曹詩聲華岳重士論錫山高京塵逆  
族中初喜識芝宇鄙語愧呈拙有底極推許漂流當定  
居久計浙西東他年結詩社未嫌後從公

送葉士簿楚州應錢帥之招

士簿已七十

漢庭用少餘無策銷外侮充國七十翁勝筭定樽俎夫  
君譚西北萬里真目睹諸將失投機遽豈一二數形勢  
可聚米君王未借箸江湖五十年帝閭嚴九虎後生不  
更事兒戲議邊圉圓方殊杌鑿寂默忍羈旅平生干霄  
氣百吞不一吐白眼閱流俗閉口避爾汝山陽文武資  
幹國今吉甫清嘯臨籌邊志已無驕虜經年虛代舍須  
君作謀主心嗤區區鄭緩不省之武盍思度外意徑略  
紙上語山陽吾未識彷彿夢眉宇斷知磊落人衆棄能  
獨取一卮勸臨分三歎欲輕舉捺君胸中奇定作商應

江湖長翁文集卷之二  
羽還應訪隱淪道我聽鷄舞

次韻王解元

觀名計利心惴惴日交戰洪濤探龍睡赤手投虎圈孰  
知青雲士眼靜不汝眩中年琴書趣早歲林壑願我無  
適時具未敢厭寒遠政須營一醉尚喜春酒賤前回所  
探花撲蕪已如霰把杯臨清池纈影中流見可須催歸  
語且領提壺勸向來眼中人此客頗嘗見兩王風流絕  
聲名到朝彥新句如破竹脫手金丸轉石交可忘年時  
亦共酣醺春來景物好題品幾時徧鶯花不無情向君

真自獻

贈錢郎中

列方利祿媒抱道俗不省詩書工發冢孰起世儒病錢  
侯挺直節蠻徼復蘭省劔氣夜星明鵬翮秋霜耿上前  
論世務萬乘爲首肯平生中原慮壯歲左符請不作黃  
閣想擬試白羽秉孤忠當宁知宏圖時宰領羣兇須圓  
曲謂可力勝命彼此計乘除得甓喪崇鼎平生信所得  
一鑑照萬境幕中辭脂韋客右進嚴冷主簿聳牙伯評  
俗怒生瘦謂伯永令君強項翁爭事不藏穎謂劉山陽但有周

江漢長翁文集卷之二  
十三  
舍思可無衛武警我亦意行者泥古志未逞朝來聽名  
理剪燭延落景寸田殊易荒有賴剔榛梗效奇乏良策  
汲深慙短綆惟期佩公言不墮頽俗窳

次王仲衡尚書鹿鳴宴韻

儒冠幾經秦士貴始 藝祖英儁承上意不止工造語  
文風逮 列聖秀異彌博取卽今再太平比屋務稽古  
先生國元老曩亦原夫舉倚相能丘索吉甫允文武後  
生藉膏馥掉臂雄藝圃豈伊鄩無譏敢睨大國楚諸生  
觀國光名欲遙龍虎初非意敢料顧爲公所與蕙蘭侈

芳筵肴核富雕俎酒行不待醉闔坐喜欲舞妙句韋白  
前拭目嗟未睹豪氣倏賈餘舉舉陵天宇懸知三千牘  
去作虹霓吐我坐廣文氈勤拙初不補看揮修月刃穩  
送搏風羽傳燈知道尊食蔗記茶苦明年公東歸商衡  
傳巖雨附翼偕渠儂遠臣觀所主

再次韻謝王仲衡尚書薦章

襴生布衣兒始未客黃祖一鶚輕百鷲名已騰薦語跌  
宕噤不施衆笑此何取一賦出緒餘已可光近古先生  
傳正學抱負幾文舉名世昔退之好善今衛武汲引略



權近論薦及農圃高義表一時惡氛可消楚俗方急梯  
媒中表羊而虎低顏下氣地百請幾一與代舍著衰翁  
秋芹薦侯俎泉甘困深汲袖短妨妍舞薦士不待求昔  
聞乃今睹傅毛可飛肉矮屋俄廣宇平生氣輪困非公  
向誰吐小當工撫字大或效遺補長風初借便振迅顧  
雙羽未妨著書緣人有譏自苦朝來詩興動毫端鳴急  
雨夸似鱸堂生頗見此賓主

次王尚書韻呈石湖

聖經三百篇凜凜詩鼻祖日月懸太空不作雕篆語可

學不可議仲尼親去取變爲屈宋騷刻畫已愧古曹劉  
驥驟騁沈鮑鴻鵠舉並稱五字雄繩墨蓋陵武甫白壁  
萬仞眎彼柳樊圃又如曹邾鄭屏息從晉楚黃陳嗣前  
作風壑嘯兩虎公生四子後相望心相與溟渤無棄流  
酸鹹或登俎取源自聖經長袖固善舞清篇神所護近  
句誰先睹鄉來儀朝行拱揖尊帝宇出使辭氣振前席  
情素吐非公任安危衮闕幾不補歸來將詩壇越竒傳  
之羽陳黃伯仲爾胡復用心苦學力我枯涸進冀濡教  
兩首肯公不疑更用詢季主

次前韻贈龔養正

淮鄉富奇髦歛衽讓乃祖及今戶相矜十襲藏妙語遺  
澤有源水豈直輪一取夫君典刑在落筆更醇古白眼  
視公卿矧肯睨豪舉世味淡如水進德吾孔武四壁但  
圖史一飽問場圃脩眉冰玉顏初服仍楚楚團蒲芥軒  
寂索手繫雕虎客來輒欣然詩就寧漫與自云窺官達  
束身著高俎肯思麒麟棺強作沐猴舞見笑寒如水如  
曉不自睹君眼高一世天光靜生字寓意文字間軋軋  
蠶緒吐 后皇急幽側員闕多未補當儀振鷺羣亟下  
冥鴻羽鄉來受塵地幽屏良獨苦蓬萊道家山金碧上  
煙雨反君招隱篇長懷報明主

大雪復用前韻呈王尚書

密雪何自來兩欄雲其祖史臣紀上瑞外此可無語帝  
豈爲詩設偏爲詩人取梁園謝家庭麗句傳今古玄冥  
老更事厥職甚脩舉屬者甫見白今者復接武賦形想  
像姝玉田瓊作圃定知懷璧人踉足不向楚天孫事邀  
嬉開關叱九虎剪冰幾何時下土均付與羣僊燕青冥  
酒所未徹俎狂撼白榆花笑看風處舞林巒帶城堞變

江湖長翁文集卷之二  
滅眩所睹安得鶴背游一覽了九宇頗煩孟光請杯覆  
詩不吐海圖折曲折兒女粗紉補明年麥秋好落磨收  
鵝羽盍賡婁豐謠少尉田家苦嘉應自丘禱不待書閔  
兩飽飯對翻飛此惠仍地主

祈雨齊雲樓

與羅春伯提舉露坐索詩作

波涼魚初浮露下蟬罷警胡床俯前池妙意吾已領主  
人絕俗姿此地葦塵境霜華耿玉宇璇漢轉金餅桂娥  
不無情與客閑弄影紅粧擁千蓋環坐殊秀整盤珍供  
芻芡水厄停煮茗羅以河魚不飲茶清譚略逕廷快若客醒醒  
不辭僕頓更頗覺夜彌永明朝雨一尺重約追霽景但  
恐閑塵尾鼓吹鬧蛙鼃適聽步虛聲縹緲碧雲頂

次韻諸公清樾軒詩

塵中望青山防有移文阻誦君清樾篇頓忘三伏暑想  
見松風底樹羽仍設簾山靈莫逆友獻豈煩縞紵招隱  
未容反陳迹渠能序詩翁麋鹿姿窮不問唐舉歸誅故  
山茅吳鴈馮寄語君寧山中人居州定王所

代羅大著遙題雲巢

高人玩世心仕學有餘裕稍償俗間負未忘塵外趣結

巢依莽蒼泉石得佳處牙籤三萬軸遮眼豈云蠹鳥啣  
巖作屏儵然不移具時招楮山雲蒼白繚牕戶徑潤樹  
罩煙庭虛月含霧萬景供旦夕與人美無度園翁垂綸  
叟或許陪杖屨我亦漫仕者雅志買山住卽今想像意  
未辦魁傑句他年登君巢酒所尚容賦

次韻胡學長喜雨

胡君著述間動作千載計雅奧三百篇挹取欲無藝一  
源發至醇萬象赴傲睨平生笑此癖論交惜晚歲君詩  
信入神我眼本無翳屈膝邢娥前酬贈慚醜戾憶初拜

雪壇遽恐朽腹斃徒然陰樞縱寧止乾肺噬敢徐救焚  
步頗徇非鬼祭端知世興道密若有司契神孚聖君德  
家沐良牧惠天人隔顯幽論理不論勢朝來望阡陌白  
水漲天際歌呼滿中出不勉渠自勵黍稌分後先狼穉  
易耘薶清泉向小歉比屋念遺穉饑飽巧相補上帝亦  
已諦老夫辦疊期是恩良不細僊曹有佳招天闔不堅  
閉長安粟一囊或許引前例不然買青山補破仍茹糲  
出處顧何心一漚寓斯世衆雛能稼穡暇日訓孝悌相  
望渺海涯恩慙未渠替張侯本萬中蘇子勞再說排霄

江清長翁文集卷之二 十八  
眇世儒笑閱風外帶草麻侍金鑾雲空澹溶洩丈夫要  
特達不必須援繫卽今轉園句可薦五方帝如今縣麻  
雨立見萬生濟

贈鍾汝楫

坐窓雨蕭蕭出戶泥活活旅食向六旬淫霖破七八舊  
新佳客斷局陋不可活鍾郎卷銜袖詩與人秀發誦之  
未數帑驟覺陰氛豁壯如秋濤湧清比哀玉憂騷人詠  
香草不足供採捋詩人深堂與掉臂欲排闥應接殊不  
暇愧耻那容刷正宜長聚集尉我抱饑渴不見動十日

有力苦見奪轉頭二十年夢覺幾電抹我甘廳五窮子  
亦狼載跋川增得深敬外此本毫末別語忽見諗回腸  
隱膠葛乘除等寒暑休王有回斡豫章出林遲出乃干  
丈拔天居五雲處往矣儕俊傑當念淮山陽有人晞短  
髮遂肯回葉舟譚妙共蔬糲

題徐居士遯庵

世網誰所張四彌天宇大萬情本一機矻矻同此在徐  
君經世心心乃超世外趣靜緣有動無顯奚用晦姑爲  
辟俗去示世無吾待結庵定其遷初不憚一再容膝得

勝處外物了纖芥有山自煙雲有水可灌溉百丈峙翠  
屏千尋拖碧帶床頭三聖書會意謝分掛天山得要旨  
肥遯元非內此名扁此室吾詩儻容配

次韻徐秀才十首

以才子富丈華校  
讐天祿閣爲韻

冷官臥漳濱書奩漫棲埃殮魚芻葉局縮養不才窮  
鬼不受送與君作陳雷將軍視將浼夫豈餽無臺  
杜陵將詩壇受軟湊多士黃陳大其傳券契密付委徐  
君萬卷腹詩作風雷起春秋富有餘著眼置餘子  
向來孟浩然醉眼高宇宙清詩落京師蘇李欲東味蔗

隴槎頭編未覺黃金富纖鈎餌蝦蠅但取浮陽嗅  
翁赫公侯門下客亦方聞慘澹埃壻地高賢絕通津蠹  
書分此老華國須奇文渠觀有旁招子行當冠軍  
毅毅掛榻翁孺子來如家長安聚蚊兒車馬紛囂譁裔  
孫會兩窮韶顏映蒼華長嘯叙孔李驚翻籬角鴟  
霄霏上冥鴻山霧臥文豹餓鴟嚇腐鼠啄啄詫飛趨吾  
徒爲已學欣感置不校小草或遠志詭遇乃近效  
鈎妙如悟禪去毆等居讐學詩得是法善刀無全牛脫  
手希代珍願子毋輕投袞袞譚項斯愧非古人儔

閱世難衣食眼中子能賢萬像入吟筆摹寫皆其天  
寒予我荒學一字不斲傳子家文章錄得書或牽聯  
釣湖鱸紅鱗斲山飯黃獨書生甘若飴八珍不在目  
出處有餘裕鼻鼻營寸祿一舟指三徑不遠儻許復  
堂笑伊優登米笑侏儒索見笑與笑人等可付東閣從  
俗心易波矚理眼無膜但求種秫田歸療酒腸涸

次諸公詩韻

去年略憇成倅小築約今年同遊不  
果諸公詩卷來索和章感而次韻成

有歌姬  
甚點云

墻圍護風煙簷影納紅綠城西百弓地論價指和玉滄

浪取具體輞州儼遺躅年時得小憇振衣休汗足山靈  
不留人定復厭振觸坐想散花女深堂伴金粟今年桃  
李月僮馬幾裝束竟成夢魂到永歎春事促此亦志願  
違世有谿壑欲似聞偕六逸成仲鄰句  
會凡七人碧酒仍艷曲風  
鶴羽人下露花妃子浴詩卷肯屬我爲洗頰面俗元亮  
晚耒耜彌明舊符籙可須白月前熠熠度螢燭

八月晦試院中作

官居課程地生有文字癖誠知蠹負山詎得辭此檄嘉  
禾古多士孰者非巨擘老眼不待封舊苦眩花隔勿云

石賈玉箴失眸亦得

荀子云失箴者眸而得之

捧心若爲妍竊鉄徒

自匿陸海貪窮搜奇寶多偶獲巧常昏金注勇或便大  
敵清醪聆鄒琴款識辨周鬲頗收半段槍遐念連城壁  
渠應悔羔袖吾敢厭鷄肋撫囊舉利穎體國免素食明  
朝羅客拜定自百夫特俗無拋塼惡歸舟緩張席

九月二日

燈火一樽酒笑語亦固然如何棘圍夜憶歸不成眠衰  
懷動多感妻兒須眼前人生四方志誰遣霜覆顛

次韻袁憲閱兵許浦

皇澤泉及瀕戎索均帝闕邊屯笳簫地彎弓睨胡月萬  
旅皆金繒不代持閑閱于時江流漸極目雲閣雪嬉嬉  
忘其寒恩寵自稠疊使星照海徼天意不虛設勞動需  
摩拊勇怯要旌別除器有良楛扣闈許陳列古來分君  
憂下敢謝薄劣叱馭陵九折推鋒取三捷况公經世才  
翻浪海鯨掣夷吾吾目中江左佇茂烈汾陽唐柱石守  
器未應缺銜命茲小試鼓勇士毗裂指揮用諸將他日  
須此傑聖君中興主詔語一見决治具有罅漏詎容惜  
捫舌兆朕貴先識沉默真小節鄙夫百寮底欲隱尚不



江湖長翁文集卷之二  
三十一  
屑幾登王公門面醜辭易竭向公又一鳴當復笑燕說

江湖長翁文集卷之二終

江湖長翁文集卷之三

五言古詩

三月初晚晴寄高縉之三首

東風掃積陰殘雨不敢漂壞雲裂裳帛倒掛墜嶺腰鳥  
影不作暝夕陽明山椒安得上上頭風露永清宵  
人家繡閨閑湖上粧面新湖山簫鼓中魚鳥安得馴山  
靈建飛雨淨洗綺羅塵卽今隄邊柳爲誰管殘春  
曲欄倚青冥萬井入指顧湖光漾明霞照我凭欄處森  
木倦鳥歸遙空征鴻度定知待月人破竹有奇句

苦雨

有足不下樓有耳祇聽雨一日不可耐忽忽彌旬所軒  
蓋斷還往尸居成獨語日色似見尉雲氣復如許西湖  
梅柳月裘馬趁簫鼓細追他日夢一笑念縛虎

再用前韻贈高緝之三首

晴色與春違香紅不餘漂出郭縱遠日草長麥齊腰詩  
來尉幽獨吮諷芬蘭椒招月作三益庶用娛中宵  
閉門雨兩月君來無舊新白眼睨牢石騫飛不受馴落  
落含風松紛紛棲睫塵慚非脩月手向君和陽春

高郎客京華好事有左顧儒林丈人行乃得曳裾處亦  
知短褐底蘊抱美無度繼今數公間可但傳新句

謝袁起巖史君借真院居

以簡齋詩一京  
恩到骨為韻

書生歎漂流卜築定何日折腰為斗升問舍羨九一諸  
公有好事往往遂所乞懸知許黔突當復念容膝  
火雲烘白晝悠悠晝日長黃塵撲面去行客汗反漿老  
夫清夢起開卷鉤北窓微風入巾袂世恐無此涼  
久晴忽一雨為洗暑氣煩斯人作欣感造物無怨恩我  
方墮窮塗獨能庇寒暄公亦不自德自笑煩於言

槃薄蕭寺中未歎無客到吾室自勃溪粗免以饑告及  
此蔭寬間好風日見勞安得長者車茶餅寫襟抱

槐龍舞脩影頽景忽西沒空庭漾金波坐待月東出臨

風思傳觴沃此支離骨開門拜嘉惠正得杯中物

是日  
鹽車

送酒人  
適至

### 寄題徐虞卿醒心亭

人間聲利場疾馳不知反營營計毫末一益昧百損徐  
侯大雅士探道自其本策勲虛明地外累不待遣出能  
同光塵歸念寄蕭散著亭得勝處竹茂水清淺亭中躡

亭外畏塗塵眯眼翛然得此心萬化無餘蘊老我尚問

津人與室俱遠向來卜鄰計欲舞嘆袖短會當尋此盟

蔬飯同茗椀洒落無何遊共閱世沈湎

昔嘗託虞卿買  
屋丹陽價高不

果

### 餘姚飯

昨暮浴上虞今晨飯餘姚官期有餘日我行得逍遙盤

實剥芡芰羹魚薦蘭椒一飽老人事茗飲亦復聊捫腹

每自愧昔賢尚簞瓢僧垣棲翠微金碧煥山椒龍泓甘

可茹塔鈴如見招遲留本不惡况復待晚潮

車堰牛

牛力輕萬鈞性順異諸畜有足不解蹠有角不皆觸課  
日引耒耜爲人給穀粟私家憂闕食公家要餘蓄公私  
雖相須置汝誰取足柰何過堰客行舟動千斛挽牽亦  
諉汝顛顛頸髀縮扣角一勞之不語對以腹物生愧無  
用懷安或非福於人儻有益塵身豈云酷君看廟前牲  
被繻飽芻菽膏血薦鼎俎誰定悲觶觶

舟行卽事

昨日出曹娥明日指慈溪待潮舟爲膠得潮舟若蜚留  
滯復一快計程元不遲人生意失得孰者乘除之今屈  
昔已伸彼羸此或虧但可自適適尚用悲喜爲水伯愚  
弄人政如造物兒丈夫木作腸渠輩未易知

餞寄定海交代

縣尹古子男今不一錢直低催奉簡書偵伺常屏息白  
簡與按章歲月供彈劾當路雖所懼姦民巧狙擊吻間  
售蜂蠆意外變白黑防虞莫救過彌縫或逃謫政使有  
卓魯未容置形迹云何世難事君不動聲色編民翕風  
移惡少且心革田廬有笑歌魑魅亦竄匿斯人紀仁愛

幾磨南山石政聲懿如此僅免繩治厄諸公蜚鸚書犯  
嚴尚遺力安得定海民爲君灑薦墨蘭臺傳循吏採訪  
多失實安得定海人爲君秉直筆嗟我吏隱者志在山  
南北身名萬金重如博試此擲賴今遺愛地一一可矜  
式政恐效西子美顰得嘲劇江臯一樽酒聊挽朝天客  
妙樂喧江浪清譚倒理窟盟言底遽寒舟駛潮水急西  
望念風義感歎徒至骨

復吳祕正五詩

以識子用心苦爲韻

武陵邁往氣當世隱一敵揚眉諸公間甘作遷客客喬

孫典刑在磊落抱深識我學謝柳州顧肯睨門席

簿書阻從遊人遠嗟室邇胥徒恠坐忙眉睫若爲喜方  
賡于薦于忽誦子虛子悠然得此心外累蚊過耳

我如不材材自誑無用用向來風月前詩筆頗吟弄低  
摧髮皓白無與世輕重枯株欲丹黃因君彌自訟

作宰古尚教必齊但橫琴唐吏猶易爲讀書或松林一  
從來海瀕琴書暗塵侵俗有古今異鞭朴違寸心

君詩用功深平處猶近古北斗燦繁星拜賜詫見女亦  
思貂可續中夜攬肺腑攬鬚髮一笑笑翁祇自苦

張丞見和次韻荅之

中年賦遠遊羣僊謂匹敵  
竭來吏海隅笑死鶴背客  
昔人混屠酤不取俗眼識  
惟應赤城老默許一半席

故人十年別墻宇今密邇  
譚勝復詩工排日有驩喜  
所嗟連城壁過詫窶人子  
何況政術疎一一賴提耳

我本山林人娛老有日用  
時須禽一戲暇乃笛三弄  
言償作縣責顧政寶所重  
催科未妨拙防速牙角訟

張陳舊莫逆雅趣瑟和琴  
器用異所宜渠觀與山林  
朝來覽鏡笑鬢雪無可侵  
但辦摩衰眼送君立班心

男兒鼎珍食富貴倚稽古  
不然東山車穩載十眉女  
可憐強項令俗塵塞腸腑  
端如溧陽尉老斲食齋苦

送李象山趨朝二首

象山海邑古稱象山郎今聽  
李明府言頗亦費支梧故云

人將宰象山蕭散日郎署  
卽今撥煩手蓄縮殆難措  
鄰分銅鐵名恐坐汙染故  
髯君千日留曾無疾頑怒  
德孚俗風動政治民孺慕  
過虞櫝中毀穩下竿頭步  
定川壯哉縣曹不揣鯁腐  
虎鬚有危攬羊腸無善御  
彼此劇易間霄壤計相去  
滿懷血指羞乏君斲輪具  
鄰輝幾餘分忽復失強助  
歸舟不可挽臨風悄延佇

書肘詎容掣筆柱不可膠付事多其防職業自寂寥頗  
思圓機士細苛舉綱條宰邑古難之茹苦耐煎熬百抑  
不一揚推波益驚濤由來法愈密祗爲下所操一饑驅  
我出銅墨強折腰捩翅著籠中側睨鵬冲霄平生有知  
已持橐貳銓曹君來定倒屣道我不自聊願推變通術  
霧雨均枯焦而况代舍舊肯惜引手勞

遊慈溪龍虎軒

軒有石湖碑  
字如新刻

坐曹可勝勞出郭復行役半年定海令三度慈溪客慈  
溪足勝處山秀江繚碧終然縈夢寐遑此事遊歷高軒

闕龍虎表表市闐側得興不暇慵徙倚且數刻洞戶初  
推敲階除旋登陟向來攫怒勢枯幹抱頑石乃知名實  
間未易膠今昔尚喜詩翁碑不受蒼蘚蝕可但神所護  
人未忘翁德非使老眼明斯遊竟無得

十二月二十六日趨府

誰謂一舍遠不辦三食趨亭午縣市西衙鼓府城隅匹  
馬驚鳥去指槌冰在須北風挾霜氣萬象付摧枯想當  
折琴絃未怪裂人膚馳裘被甲如是日有若無客首不  
暇回顧容少踟躕出處不能同勞逸爲之殊龐翁馬少

游似非隱者徒鄉居老躬耕飽溫得自虞婆娑銅墨間  
盍亦省頭顱羣穠脫中孰吾口良易餉

十二月二十七日趨慈溪

既到更盡則同宿以新帥夜過狼狽而還予念

從者寒且勞獨留宿

西風蜚江浪江畔那容立霰花濺千尺望望客衣濕小  
舟艤兩三人已鷺鴈集側睨波洶洶俯憐身岌岌乘凌  
玩掀舞生死付呼吸前登爲回首舟重巾緘緘支徑不  
通車車去如見繫念此役夫苦體我官事急傍顧中夜  
還得無僵什泣界汝就甘寢白飯亦周給徇人多意外

自信寧不及利物身每輕睡覺况六十

次韻王省幹

王以懷君想報珠作詩見遺

南橘合嘉頌爲枳緣踰淮黃濁轉眼涸一昨瀾兩涯志  
士抱根柢千古容興懷後生事蟲篆蟻穴塵檀槐

一官初有祿三月免無君平時愛人學蘄試百一分習  
俗南北異所見違所聞致化要無倦儒者貴長文

王侯文振奇人作高山仰世學方波頽渠獨不流蕩諸  
生畏雄鷲六藝厚涵養遙知落詩筆萬像寄逸想

叔也過我門往往接離倒甚以元亮止終然劉伶禱我



江浦長翁文集卷之三  
此待騫翔夫合戒陵傲惰遊置耕耘曷怨鹵莽報  
大匠成風手器就不待模老夫默自哂堆厖守一隅論  
交獨何幸魚目儷明珠他年君鄰墻作意營一區

次韻張丞

政平民安之不在書上考君看道傍樗蒼雲蔭合抱明  
時話英躔佳氣指蓬島孰知嵌巖幽乃韞希代寶張侯  
儒而吏笞箠環臺阜政聲載輿論文價動諸老學富食  
猶貧志堅進不早卽今紫霄人豈必皆橫草亦知名煒  
燁曾上薦士表靖女家無媒深閨自媚好胡寧倚昌丰  
濃抹且淡掃會看邢娥前妬婦付絕倒

謝制帥高卿剡四首

宰邑非良才朴拙曹信已曾無補毫髮粗不畏青尾倚  
公造物手襲璧護玷毀世有百謫餘觀旁首重稽

薦書未及門卓鵲拂人衣盥手袞字袞祗遣頽怩毘  
瑜僅相償葑菲終不遺窮途石作腸持用荅恩私

去年來甬東旄倪喜動色公今画船西行路亦嗟惜去  
來本何心民自作欣感達人了世緣八極付揮斥

論世究德業先生處其全欲議可斷國餘功猶護邊此

行雖暫屈衮職正急賢璽書起黃霸摩眼待新年

次韻張守不欺堂

鄉守張仲思以不欺不擾堂二詩見寄處稱爲次韻

史君古醇儒內視保良貴芸芸鏡中影了莫遁情僞賦

茅豈至術機灌彼誰子退食一堂間百事反諸已床敷

但詩卷庭砌亦履齒洞洞靈府閑拳拳聖言畏獨傳迂

叟印不作俯仰愧何當拾給前拱坐商略是警欬付元

城歸詠如闕里從俗倦執執得意風雨會

元城問迂叟學誠所入叟

云自不妄語入

次韻不擾堂

取民狠走羊勝之楚克庸孰知號召初已賦大小東賢

侯守此道力若拔山雄深堂玩閭寂翠影環蒙籠泛應

得天遊靜鎮副上衷樂知前池魚吟當北牕風情寄埃

盞外俗自和氣中高吟與傑作鏗絃而春容無欲民自

朴契鑰今古同卽今美化孚袖手自卽功坐令鞭蒲捐

寧遣馬力窮我心偕郡人會當志願從新年鋒車南帝

渥看稠重政聲穎川上可庸不作公

時予宰定海未識君

宿雲巖山

是夜大雨

名山邦域中每歎夢境隔如何夏而春共苦沽水厄向

來夢中山真作緣雲升夜氣與僧話凜凜冰壺清初宵  
潺淙聲大慰望霓意睡醒鍾魚鳴猶是翻盆勢不因官  
事驅寧許山間留况今浴種天頓釋嗣歲憂雨既副我  
禱山亦入吾手一旦二喜并誰謂終不偶涉世嗟聱牙  
天頗憐其窮更持靈臺香歸謝淵德龍定海有淵德觀祈雨所也

李伯成食甘豆粥和淵明詩分寄次韻

八珍較半菽豐悴岐兩端志士俸所逢心泰體亦安李  
侯貧食粥吾獨於此觀竈婦不餘輦鄰豕有後還顏帖  
號嗣之范叔可勝寒破碓砂甌前蘭佩雜木難堂堂五  
字律鉅鏗凜莫干不羨侏儒飽寧追陋巷顏挈甌肯見  
分特特扣荆關讀詩良起予投匕忘悲歎

次韻解樞幹二首

我方首儒冠頗亦易此人尚友卑自漢讀書考先秦士  
或暗鄭朴識面斬卜鄰計踈志空勤弊帚浪自珍口前  
齊東語曹欲潤帝綸學如村社醞百醕間一醇老藁媚  
衰紅飽閱姚魏春顧慚誤題品五字極清新君才允文  
武行矣拱帝宸余年念桑榆歸去儕編民  
阿文鈍于學莫計故新年何微他山錯詎徹醯瓮天論

交置才否如君政自賢爲導有源水俾加視後鞭譬彼  
千仞登投足得攀緣君生英衛家造詣超儒先餘論分  
吾兒一一當手編繫我液構木臥沙不受鐫鵲音曉見  
論羣玉紛墮前政使高帑價敢斬世儒傳

題張仲思孝友堂

筆端吐陽春胸次着雲夢袖中匠石斤規矩隨意中君  
侯道藝樂不許俗子共深堂埃壒外平日常文字供默對  
八窓靜不但十年種妙語落人間一一萬金重平反與  
進脩併作旨甘奉只今衣五綵頗亦笛三弄何人侍板

輿觴豆燕羣從鷓原春事繁鴈影天宇空傍睨梟雉呼  
或作鄒魯閩紛紛手翻覆納納腹空洞汲直合居中器  
博滯近用初計拔薤來竟息憇棠訟倏然擁書坐竹風  
助吟諷更聽雛鳳鳴未妨蜚鴻送今皇志復古俗有後  
賔貢斯文屬耆儒夏屋况巨棟江漢繼崧高誰當第嘉  
誦縣知尹吉甫縮手辟張仲

次韻嚴文炳暫別歸吳門

且堅仲春歸來之約

白駒繫維之君乃再歲住政如荷篠翁鷄黍止季路得  
句推敲餘每肯向予吐平生識丁字頗亦指佳處只今

江清長公集卷之三  
妙著述詎云工訓故東陸方播和南雲遽回顧似聞漢  
諸公交口河東賦挽袖不轉頭歛作翮鴻去郡舍雖舊  
約侯門有晚遇可忘酒招攜况識棋勝負老景樂事稀  
春意駿足驚無令歸驂前怒風塵花絮

再用才子富文華校讐天祿閣韻贈周教授

仙人藤陰夢金骨窖黃埃當年晁張雙縮手推其才陳  
編且千載萬蟄聽春雷偕公閑弔古文遊但荒臺  
步屨城脚園蒼官拱綠士向來錦打圍轉首就紛委流  
光不貸客感喟中夜起肝腸舊輪囷言賦子虛子

胸涵陽秋筆眼高古今宙周子定可人萬象棲一味眇  
睨統綺郎自詭多文富世有九鼎珍唾去不渠喫

窮途有快意辟席得異聞青天千萬里翳日帶煙雲今  
者君子後滿窺崔蔡文當此陣堂堂歎我提孤軍

矻矻守枯策頭童未起家居陋婦勃磈食貧兒謹譁養  
高有驚岸戰勝無紛華黔浴如可移誰辨鵠與鴉

狗物笑蠻觸自守等毅豹寸壤聞蚓吟九萬鵬觀蹕孰  
知塵外士戴目嬾此校營營彼誰子磔蝟計微效

審知才非充敢怨言不讐進乃隔九虎退且辨十牛向

非食不足此檄當徑投黃馘漁樵翁揣分吾其儔

君家小阿韞擇壻須才賢我家小於菟披霧欲窺天鵲

語燈著花妙契默有傳何當珠簾外綵絲自相聯

萬木同一秋松柏正也獨夫君閱流俗塵過不留目我

昔甘曳裾低首問宜祿及今君子前玩易愧頻復

假板未通班此氣渠容索周友萬卷腹小却石渠閣培

學虎出翼息妄眼蛻膜何當去為霜萬壑正枯涸

別俞君任通判三首

客舍不宜久黃塵翳衣纓非君此解后孰使老眼明握

手雜談笑洗酸共濁清已燼銅爐煙倏聽丙夜更清詩

相勞苦凜然見高情珠璧玄確璨珩璜競鏗鎗寧惟老

眼明亦使病骨輕語離信所重未敢促歸程

一代石湖翁韓歐或其儼當時出門下如君屈幾指論

定難為才我乃輩多士椎成方未器正賴君確砥師友

繫魂夢栩栩輒千里驚見得此客乾鵲預為喜一笑破

千憂天幸寧有此石湖倏眼中此翁真不死

房陵望毗陵計舍六十餘今我從遠役羨君方逸居逸

勞不足道會合嗟愈踈向來江南北二年能幾書殘山

江漢長翁文集 卷之三 一百六十五  
賸水地詩題當不虛得句茹不吐思君定愁予遡江日  
千里豈無紅尾魚交情儻未忘與問今何如

書隱靜寺壁

丙申秋入隱靜未到雨甚苦行  
既到遽晴迫官事卽去感而作

籃輿初半塗飛雨欲無路到山臂屈伸赫日照窓戶山  
靈太孤介深厭俗塵汗雨似難客來晴似推客去書生  
林泉意此癖端有素俛眉紅塵中正以五斗故董董三  
徑資渠須畢婚娶出旣非得已歸亦奚早莫他年五湖  
舟何殊一杯渡卷舒吾自由誰招復誰拒

贈臧文仲四首

青山玉所蘊下此翠鳳雙音含古韶濩身非世文章衆  
羽不敢睨謂是聖時祥有人摩老眼側佇雲路翔  
夫君根柢學宜我屢卽之罷馬取長道顧肯過我爲索  
寶黔婁家怪君焉取斯頗嘗見此客且用詫吾兒  
理以定故明用智或成疎芸芸自根求一一皆我儲饑  
精渴須漿水固不宜車請君默自燭是物誰欠餘  
始吾泛其觀中吾固其守拳拳寶所重世或輕弊帚廡  
馬我所師家鷄誰得有此心如此用煩君訂是否

戒飲三詩

并叙

予中年病于酒以飲自誓謂不當自賦亦不以賦人飲客多寡聽自酌人皆笑之然向病脫然客亦未始因吾病減子子儀獨不見笑且曰某不能飲見虐以酒輒病求予言曉客因信筆申其戒古人之詩語工而意婉使人思而得之思而得故得之深守之固後山秀骨画眉是也吾亟欲爲臧子益故直書而詳爲之言不暇爲前人也子其識之

毒痛痛受辛斬刈憎暴秦杜康與狄儀賊物其罪均商  
毒烈火炎岐鎬方陽春秦暴虓虎搏歐粵無輦呻二子  
起酒禍古今同湛身計實乃鳩葛適口良甘醇文錦覆  
深穽病媒鬼之隣剝殺不遺迹辛政猶爲仁今子知所

畏浮俗豈其倫生世千金軀况復富席珍

中古避世者或以飲自名世網未易脫顛眩寧其情嗟  
哉竹林子齊茹日甌鬯時旣謝周漢顧肯羨久生中聖  
憐徐邈種秫想淵明卯金當塗高委質吾顏赧偕我偶  
盛時生亦未易輕况子淑茂資天驥趣脩程論才應時  
須挺志爲親榮親言銘肺肝盍師陶士衡

自我銘盤盂覆盃遠翹葉人或安清脩身亦享黃髮柰  
何悠悠者沈酌無虛日言之每逢怒周誥存若闕狂悖  
貽世戒氣血膏中竭持觴勸客意彼肯獨天折投轄車



鈴頸抽腸擢其骨交遊多若人自重要勇決關須太虛

閉交繼叔夜絕母與聖賢悲濡首右臂折司馬子如飲孫拳拳即死

高歡謂折我右手

邵伯阻風小泊贈送行諸公

長征每愛日小泊未選意陰風自南北客子聽軒輕召  
棠望吾鄉不作秦越異船閣鴈鷺洲人穿魚蝦市相逢  
各吳語知識十三四水實不自買海錯有佳饋餞行餘  
十客超俗見友義笑譚寒谷春為我洗羈思相與臥玉  
甌跋燭得微醉老懷易作惡別語毋動喙

次韻丁判院丁方謀保職官

丁侯袖詩來容聽媯皇絃咀嚼冰齒頰如漱錫谷泉露  
花有餘姿風漪自成紋中含班傳香燭絕郊島寒汗流  
竟後塵何有一字難明月墮我側盥誦喜欲顛因君念  
漂零俛仰追昔年門間半面初隄柳嘶晚蟬寒暑機不  
停奔驚履欲穿客舍此相遇把酒霜鴻天男兒氣干霄  
猶受凋人憐似聞國士遇度外置拘繫果信造物兒賦  
予終奇偏凌風謝垢濁仙者一探丸多肉彼下乘更趨  
驂騮前我老從斗祿織鱗潛重淵饑火少見貸歸志久

二 月 集 卷 之 三 二 付

江漢長翁文集 卷之三  
三百四十五  
已堅自甘尺蠖屈何與風鵬騫會看鶚書薦領此雲錦  
篇從今拭病目長風駕蜚翰

泊瓜步

擁衾迎鑿曉艤楫瓜步夜問俗鄉音轉束縕野宿乍去  
家倏兼旬取道逾三舍江神雖世清羈客忍陵藉初趁  
風色好忽復帆席卸泊舟市區外繫纜古柳下遙聽波  
浪湧未息妻孥怕譙翁身世拙衷貨迄未價榮望絕臺  
閣歸計盍桑柘男兒四方志肯與衰鬢謝古人出處間  
分取世俗訝呼酒把譚塵捫虱復王伯

魏帝廟

佛狸歲未卯志欲吞宇縣當年江飲馬腥血浸淮甸無  
人飯耕牛有井巢歸燕至今閱遺史爲汝空飲恨緬想  
瓜步留殺氣纏吳分云何此山椒遺像儼高殿無乃甘  
事讐吳俗昧所見或復綿歷久後嗣忘敵怨冥莫彼有  
識福汝吾敢信君看趙與薛狗國冒禍釁魏侯繼前躅  
長呼死白刃胡不尸祝之香火均遠近豈但祈神休抑  
使頑懦奮誰今決從違引手適我願

趙侯立薛侯慶魏侯勝皆淮南死事

將也

長蘆寺二首

梁帝號用儒顧有佞佛癖區區泥其粗佛者寧汝卽矯  
矯隻履翁談妙塵可析冀上一言契何意水投石甌錫  
翩然逝北去甘面壁有道惡驚世應俗肯留迹一時起  
誕罔千載受誑惑至今利涉地傳流何荒惚渡江一葦  
爾古今尚遺植紛紛捕影徒唱一和者百遠渡有浮杯  
行空或飛錫至人果善幻幾何異鬼蜮世人墮邪蔽狗  
虛不計實我學謝傳韓艤舟重喞啣

昔年望長蘆去江逾百步垣宇呀已缺浮圖欹欲什僧  
徒噬肯留日有沉溺懼重來舒望眼佛刹非故處安衆  
得亢爽定遷疇夙素似聞甌錫侶復作醯蚋聚居人禱  
蠶麥行客乞泉布營者肆夸侈施者不顧慮百堵煥金  
碧奚翅復其故往往豪儁人四壁有未具彼徒創寺意  
取鎮湍濤怒向來梵唄所倏爲蛟螭據在已不自保誘  
俗說依怙波流置不省此理吾未諭

泊龍灣

小灣隱沙觜沙外仍奔湍是間以龍名信乃龍所蟠浮  
煙澹寒鑑斷岸圍清瀾孰知面執要中有水府寬我來

江湖長翁文集卷之三  
艤倦楫天水夜茫漫狂飈吼薄暮驚浪摧舊灘鯨鱣碣  
厥居渡鳥垂羽翰孰睡不知曉夢次聞平安龍公自兼  
愛况此行路難何以荅神休幽佩紉蘅蘭

龍灣看初日

江聲夜寂絕江霧曉空濛亂霞映淡日隱隱空濛中  
羲馭巧呈瑞不與他時同炯然玉奩靜泛此瑛盤紅分明  
三足鳥依微絳綃蒙曾穹歛氛噓幽壑舞魚龍昇從海  
僊府光射河伯宮遙想麗帝闕佳氣正鬱葱鸞鷲同虎  
拜三呼并神嵩散人得壯觀醉約持釣翁

舟中除夜

老境閱流光翩若下坂車除夜更深念繫尾留去蛇

坡詩

云寺人老世故亦復興此嗟迫歲况羈旅孤舟如泛槎  
妻孥共蓬牕偏側棲樹鴉撥火話鄉國悽愴雜笑譁桃  
栢粗能具爆竹知誰家歛聽鷄鼓翼尚看燈結花遙知  
諸神曉共正青帝衙我亦東風前坐待帆影斜

草鞋夾

隆岸圍小河紆鬱江之隩初看一泓窄旋望百頃淥  
艤與下瀨山屹復雲矗自治貴不試此舟江左腹向來

胡騎南勢若撼坤軸飛城截中流羣孽頸為縮元兇坐  
自斃犬羊僅還轂千齡有機會二豎方角逐武剛環貔  
貅突騎驚陵陸古今常勝術所投副所欲神州久望望  
廟筭竹復復區區計自保膠柱難為曲客行寧賈胡小  
泊遂信宿撫事空三歎為儒慚碌碌

泊慈湖北岸

坐覺江流平漉漫裂三股舟子告風橫因循宿中浦慈  
湖古戍近猶復小江阻漁翁家葦間蝸舍無鄰伍把酒  
訊三老此寧泊舟所諗我今昔異解帶無所苦向來探

丸徒白晝猶旁午一自尚書來此輩凜刀俎江山亘千  
里有屋皆外戶似聞襄江道衽席過行旅翳公舊威愛  
平寧尚如許兩地好經行為官喜欲舞倒床鼻雷吼夢  
破聞船鼓受欺墮姑息迂儒彼何取

謂張尚書定叟

泊府口

建鄴重東南爰從吳晉後鎮戍分淮江心腹運臂肘我  
舟歷陽岸煙外見鍾阜問名良賓實南渡此其口龍蟠  
虎踞地永藉藩籬守六朝或易之戎馬輒騰蹂鐵山此  
濟師竟致凶渠走扼亢儻得要制敵果何有設險務究

江漢長翁文集卷之三  
本不獨計山藪任吏所宜擇撫民所宜厚孤生恤緯意  
南望凝竚久深愧行歌人招邀話佳酒

### 采石渡

大江礙崇山突起作湍悍采石天下險揭厲誰敢玩戈  
樓泊千艘鋒旗麗天漢昨憶辛巳秋胡馬蜂蟻亂敢觸  
貔虎怒旋作狐鼠竄繫此折其角羣孽終內叛孤亭試  
一登明眼得奇觀回首吾葉舟已復艤沙岸我犀不敢  
然幽察神所憚歛聽鉦鼓閔戎事閱鶩鶴折衝須武備  
保治賴彊幹鄙夫華封祝泚筆亦其漫

### 上下驛磯

湖陰數里間山麓屹兩磯磯麓突江出禹功不及施千  
古妨行舟死生繫毫釐我昔步磯上雨歇暑氣微驚湍  
下百尺怒勢轟千輦尚憂坤軸動無恠沙岸欹蟄龍渠  
得安過鳥翅欲垂頭眩膽爲掉坐歎舟上兒壯哉天下  
險姦軌容抵巇如身護風寒要地此幾希今來歲華暮  
去舟良坦夷人言水進退寒暑分盛衰古來設險守亦  
有可易時函谷與劍閣秦漢嘗用之人輕地亡重正煩  
折筆筭恃險無與國興國須藩籬帝王所取重文武各

江漢長翁文集 卷之三  
攸司險易倏變改卽磯餘可推

蕪湖感舊

下帆同鳥棲掛帆逐鷄起但見蕪湖月耿夜清如水江  
左此壯縣我昔舟屢艤諸公各敬客款曲豈今比酒杯  
慣邀留妓圍供燕喜流連動十日

每過蕪湖朱丁諸  
公約以十日爲期揮

掃或千紙舊遊想如昨故交今餘幾逝者泉壤隔存者  
參辰似浪憑楚些招盍寄相思字可能喚巫陽且欲託  
雙鯉

過繁昌

江山互映帶竹樹渺隱見居人江山間安處忘古縣泊  
舟穴子初舊觀儼自薦嗑山高攬雲雲際抹深靛尉我  
塵埃容嘉此煙雨面山脚慣奔走尉曹分卑賤縣人應  
指似鬢改頰狀變漂零渠未知憂患嘗欲遍俛仰二十  
年轉眄閱蜚電故人半在亡在者或海甸明朝理去楫  
山影暝江練安得人如山來往長相見

繁昌早發

客行固塵身留滯如捩翼及茲祖禮竟蓐食理帆席風  
停浪未蟄天曙月正白版磯匯湍殺荻港煙樹碧杖策

江湖長翁文集卷之三終  
丁家洲徙倚容少息無酒問山店憶鱸聽村笛鳥鳥啼  
松行鴈搗下沙磧回柁投曲澳又寄糝潭夕情疎或易  
合不作淮楚隔纍然槁項翁軟語慰行役

江湖長翁文集卷之三終

江湖長翁文集卷之四

五言古詩

泊海口

池口至海口望望三舍外辰發莫已到回首西日在風  
師肯憐客祖道煩一嗌我舟疑凌虛楚山真歷塊蜚鳥  
相讓疾驚浪乃弗逮窮塗坐局縮頗嘗得此快遄邁自  
本圖闕供恐貽悔未辨問村醪且計具薪菜

泊小姑山

楚山屹兩姑我見乃其稚聞名詩卷間識面客舟次玉



江清長翁文集卷之四  
刻極端麗簪植暝蒼翠娟月上天角相與詫嫵媚怒風  
將我西未慙卜晚憇山足舟可艤山木纜可繫山外正  
風波獨此佳食寐斷知有神物主此勝絕地明朝捐行  
橐可無荅神賜白鷺雪爲肪綠蟻香馥鼻舟穩風又熟  
無乃契神意未暇訪彭郎辭費辨非是

郭家洲

攜兒上絕岸微徑步蒙密人稀鳥鳥樂老屋幾百室荒  
涼郭家洲籬落映殘日問俗得周旋磨門頗蒼卒興衰  
今昔殊郭姓尚十七鄰里闕鹽茗翁姬僅盥櫛共說頻  
歲歉平陸江浪沒場圃或潭洞椽棋行蠙蛭去秋微收  
爾樵採取黔突接耳多樂郊一去恐兩失吾邦有杜毋  
撫我不待乞蠲租桑柘在休役孫子佚意使流殍無寧  
後倉廩實官今潯陽來吏師那容失書紳拜此賜知我  
佐郡紱古來禪肉食多自芻蕘出必若窮吏道孰先究  
民疾剥膚快目前吾固笑無術

富池廟

買香馬頭西跂望富池口我帆廟下卸祇費一炊火匆  
匆索冠裳董董辦牲酒所取薦蠲潔不必須富厚精魄

我爲悚勇節公則有出門聞風聲萬竅一呼吼林摧巨  
木折江驅雪山走緊纜下窓坐齋心念神佑鄰舟曹昌  
去膽碎面黧黝非今羞供留例亦罹釁咎交神不用卜  
遲速示可否噬將捨舟楫望望終稽首

離富池

江流寂無聲明滅窓月曉客枕歸夢餘意先西蜚鳥雪  
下八信少風翳面正繚繞富池忽信次肯羨雕鶻矯向免  
犯吟以艱神惠顧豈少今晨有佳興調笑向諸小波平旗  
脚直車求莊馳驟裏鱗鱗到座隅健鵲啁林杪人家積蘇

間山影橫練表未成官縛去得句吾事了

馬口

氛昏翳春曉惝日如受蒙停舟少須之紅日碾高空是  
時羣山間積雪未肯融巖霧不盡收似角藻繪功屏障  
莽回合粉墨紛異同嵌巖眩有無草樹森玲瓏晶晶瓊  
爲田奕奕旆卷風幕籬抹高頂下乃臥玉龍隱顯隨斷  
續間遙成葱櫛微漪湛不搖一一縣鏡中酒杯與詩筆  
客次寧闕供擧取不貲景納我雲夢胸一笑漂泊裏孰  
謂吾塗窮摩杪好東絹世恐無此工

銀葫蘆

山水佳有餘我與之周旋江行已久矣今復領其全漾  
舟銀葫蘆雪在春漸妍素瓊間蒼玉化工與雕鐫屏圍  
無空缺護此百頃天圖画別濃淡粉墨生雲煙人間有  
此境定屬水府仙先生嗜奇勝久駐無由緣命名失雅  
馴吾意終慊然玉鑑扁山石取重須時賢可無泊舟所  
作亭近江壩登臨付楚客當有雲錦篇

回風磯

大江悠悠去淥靜初演漾山石齟齬之湍險乃萬狀君  
看回風磯却畧不可上椒石臥中江與江作陂障鏗脊  
匯石下瀟澎劇奔放北磯屹對峙其中過舟舫水流作  
高下咫尺便尋丈我行返壑餘坐想潢流漲頽波次灩  
澦如馬亦如象撻觸寧完舟奇禍此無妄入峽與上瀧  
艱惡偕叵量下澤遵夷塗回首一怙悵

龍眼磯

甚小而巧漁者聚焉

誰謂石一拳不作江流礙朝來揚帆西瞥若驥歷塊龍  
眼風火磯培塿視華岱似聞潢潦時亦復鼓湍匯鑿去  
本不難奇巧禹所愛其上嘉樹密其側魚網曬居惟羨

江湖長翁文集卷之四  
四  
三百二十七  
漁鄉復欲老犢背西歸儻得此庸敵七里瀨

散花洲晚泊

略眼毛山夾枯涸不可留風帆劈箭去遼海吹一漚長  
年面死灰死爭如赴仇一飯六十里幸泊散花洲呼婦  
具盥櫛命酒浣驚憂我無資身策老計餬口謀勿云朝  
不坐叱馭復何求奔車非伯夷覆舟無孔丘薄德旣謝  
此身世付浮休亦念三徑具歸從沮溺遊笑說今日快  
擊轅爲渠謳別留初孰酒飲處酹陽侯

庾樓

晉起不由德亦坐崇清虛陵夷莫挽回後世猶受汙庾  
非適用才夷甫真其徒樓以庾得名而庾復且迂面勢  
瞰空濶簷楹煥丹朱遐想如不及效尤無乃愚風流與  
經濟本自珉玉殊空譚養虛譽胎禍取炭塗峻約火燎  
原典午轅下駒舉扇障蜚塵王叟寧厚誣狗名不旣實  
扁榜誰權輿得興偕下僚小節安足模捍患識黃樓仰  
高題景疎于是復間然吾言乃迂儒

題六宜堂

昔人厭俗心寧取無肉瘦平時眼爲青綠士須客右立

節自修竦適用兼庇覆君家所居堂音響不待叩千溝  
蔭百椽一一渭川秀公今王元之好尚如授受記樓賦  
此堂異聲同一味心謀耳目適所樂壹能副昔人言外  
意泥一乃百漏拘拘六者間見未脫科白我此小盤礴  
萬境歛通透徐步寒玉瑒長謠靈籟奏主人信清絕此  
君舊幽茂並策超俗勲醉墨點衫袖

次韻余司理

余爲隸所陵見告治之有詩次其韻

名分屬我輩那容狗多可勢由服勞屈享以綦貴夥積  
水須固防易溢不難破勸沮自有機懲一警千箇世儒

略其本顧詳獄犴課彼頑工抵巇未可援宥過奸名犯  
其分論罪不在大吏姦易爲熾士氣寧受挫漏網容汝  
輩厚頽向此座新詩驚老眼唱高信難和向來搏虎手  
老去但慵懦近者勞阿買金薤編玉唾此詩尤傑出氣  
有江山佐揆予收新得比君倍當賀

禱雨福溪巖

巖下初無旱意蓋泉所沾溉也

我訪福溪巖行行黍稌中人家打麥罷鄰里笑語同迎  
官問來意不信有蘊隆淙激田間泉詰曲走青虹此泉  
有餘用此巖無闕供福巖真福地爲民保年豐縹緲三

花仙蜿蜒千尺龍，翛然乞靈地。陪此超世翁，是巖旣磨滅。是泉乃終窮，洪慈小決擇。妙化符鴻蒙，彼此猶屯膏。無乃坐怨恫，稽首貢此言。庶其鑿丹衷。

近榆亭

予以近榆名亭取少陵詩種杏仙家近白榆而梁教授作長篇見贈以詩句爲韻答之

小亭園西偏，政復園取重。扶疎百本木，自昔誰所種。敷舒曉霞爛，磊落金丸奉。城東詩客在，端許與此供。

董老故自貧，但有滿林杏。別令雕虎守，探囊續人命。我老斷狡獪，昔人慵季孟。惟餘隱几地，可愈俗子病。

天亦積氣爾，種榆誰所傳。人間自得得，何適而非仙。少

陵健於辭，暇計然不然。長翁名亭意，繫影更可憐。

何年歲星精

典術曰杏木歲星之精

夜辭天帝家，幻爲賴鄉種。增

賁別乘，衙似聞綵鳳。舞天風，亂晨霞。尚當月林飲，一摻

漁陽槲

予以官此花已過

坐亭撚吟髭，插抉了不近。詩來良爲吾，吮漱賸芳潤。遽令方丈屋，遶壁走虬蜃。何如嶺頭梅，題品得何遜。

撫華復食實，果部誰稱伯。兄桃柰其弟，無若此眉白。三玄信殊稟，五沃擅嘉殖。藏核待東歸，分供橘奴帛。

少日接爲構，無何了桑榆。邀食有餘地，何事須千奴。此

江浦長翁文集 卷之四 三百五十九  
亭與此木到眼聊爲虞五詩信睡語定博君盧胡

荅余司理

余以予在定海時宿雲巖韻作詩見遺故荅之

緬懷海縣遊不作千山隔雖償還俗債自教官作邑人謂還俗茲

復望霓厄孰知赫曦中歛有油雲升六幕一汛掃病骨

如濯清西山殷其雷晚溽尚雨意頗思雲巖宿靜聽崩

空勢靈湫貝爲宮龍伯肯小留與翁寧兩心當亦憂民

憂願龍嘘爲霖曠電歸袖手免令山城民議我拜土偶

千里飶玉粒秉穗周困窮牲肥酒如油歲歲敬爲龍

教授有詩再次韻

人間望晴雨長若物所隔虧成間十五嘉穀信多厄假

手方寸丹誠與爐烟升風伯齟齬之不容徹九清玄雲

起西北似副祈崇意驚飈塵晚空汎灑第末勢寄聲主

雨神雲車盍小留咄嗟澤枯槁爲人消殷憂輔帝疑太

和繫子一引手如昔五三代濟時須聖偶詩壇我賤工

康莊自途窮眩旋向良樂並御天閑龍

次韻余司理路監嶽

瑞巖禱雨是日雨明日雨足二公有詩因次韻

入山日正烈出山雲忽濃身疑潤空青旋覺霏雨濛歸

來坐良夜淙瀉如崩空縣知焦卷地轉眼青芄芃似聞

移晚秧竭蹶不暇慵人計故新年已判一倍豐此惠究  
所自無乃西山龍澤物龍能之叱使則天公我行與雨  
會僅殺頽發紅地上螻蟻臣渠敢貪天功兩公壯藻思  
表表千夫雄新詩猥見予拜賜豈所蒙得意筆生春狀  
物斤成風生世有如願兼得寧易逢此詩自官商爲君  
絃枯桐準擬鷄酒社往和擊壤翁

和陶淵明歸田園居六詩

予漫仕代耕山林之意無一日忘顧口  
未糊爾官上得師文書知卑荒田竟自  
此告功必醜曩志乃和淵明歸田  
園居詩以自堅其約且志喜云

一室類蜂房爲食來窮山僅救饑火煎跋履恐彫年平  
生丘壑念回首魚脫淵鄉居何許家菰芡滿中田有兒  
可耕牧枉滯章句間昨日鵲啁餘鴈書忽墮前云集南  
蕩工數竈騰青煙書賣猶可市前功戒頽顛官業詎宜  
老倦客志在閑置書命鴟夷心事今泰然

良驥馳康莊驤首輕轡鞅筋骨倏謝昔得無伏櫪想自  
審涎顙質蹠躩欲奚往如我合漁樵奪煬忘幼長資身  
本缺如與世志空廣老去僚所安豈直樂榛莽

種禾撫其實卽穧乃可稀儒吏曹不長竟爲老農歸妻



芸兒可犁稱力食且衣平生晞龐翁此意今不違

半生冒吏塵初不一日娛往往清夜夢翛然繫林墟已  
辦二頃耕更有三畝居養魚近傳訣種桑不論株呼兒  
計曩昔屈信果何如不復首尾畏形泰神裕餘枝筇莎  
徑微枕書竹牖虛日用食眠爾外此一事無

我慚曠達人夢寐眷鄉曲十年仕楚越政坐食不足人  
皆詫善奕舉世鮮識局陶翁有高躅迷塗炳明燭於焉  
稅吾駕作息課昏旭

把竿坐斜陽跨牛出曉陌長誼柴桑詠聊復自適適梓  
里三鬴餘鄰犬不吠夕稼穡政使忙樽酒取空隙仙曹  
有知友自揣無能役經時雋英士小人分耕績成言君  
勿問賣菜可求益

病起四詩

一節食

醫經戒多食書惡殄天物細茹取微足衛生此其術是  
銘當七筋况我已衰疾胡爲冒所戒一臥復十日恙疴  
不虛生一一自口實大嚼健武事欲強蒲柳質行年踰  
知命備歷世纖悉山膚與水豢嘗味幾十七婪酣復不

已願正昧終吉昔人議四凶饕餮乃其一不見辟穀翁  
曾是漢良弼

二止酒

少日良束脩但識名教樂誰令憂患後頗復近杯勺  
號或跳梁扶攜取諧謔興來偶一適事過含餘恠向非  
病出至或未悟狂藥不知黍麥毒終乃董葛若腐腸自  
浸漸履虺尚歌罟覆觴吾已後遽覺今勝昨此衷天啓  
之相予固不薄卒歲辦僧過茗粥安淡泊時醉床頭經  
妙意翔碧落

三息念

祿位據極品勲業垂不磨出從白馬肥家有黃金多世  
間貴富者才德乃莫過骨相審自知甕盎衰駘他一昔  
讀書史志空慕丘軻矻矻章句樂所趣不及他日月倏  
遷謝如此定命何知己初不無腰金鳴玉軻一旦逝水  
去匪斧嗟不柯揆材旣樗櫟採分合澗邁旌翻火馳餘  
但有雙髻皤迨今要勇往灌園仍養痾石女自無兒古  
井那解波西湖佳風煙久矣辦一蓑

四論報

我本扶犁手爲儒父兄意全家保官廩髮膚盡君賜一  
念三稽首報答迄未議向來挹前脩謂可跬步至卽今  
頻頻食空負堂堂志尚當桑榆收未可弁髦棄柰何不  
自愛生理冒所忌致君榮吾親環省已不冀餘年猶視  
息舊學有造詣其次在立言揆予敢辟是於世粗有益  
就死可無愧噬將金玉女凜凜戒火墜

題陳主管奧廣樓

卷舒樂天遊仕宦甘吏隱吾宗大雅士爲學先究本樓  
居盤礴地超然寄妙蘊沉沉一機深納納萬象泯人方  
窺端倪我自絕哇吟胡寧山川麗詩卷規束攜彼哉狹  
且露之世坐拘窘曹馬登斯樓不博粲然鞮

題雍和堂

元功播萬有洪纖各秀穎一或疵癘之槁乾例榛梗是  
身儲至和舉世乏妙領粹然太丘裔父子皆秀整學自  
付衣鉢刃不留縻肯文字長少蘇智趣大小耿脩然詩  
禮庭翩度春令影穆穆墳篋春矯矯塵務屏會看蟬媽  
去滋味調九鼎彼哉夸毗子肝膽作鼃龜斯焉世宗師  
胡不日三請

題通明堂

世儒困墻面室外由蔽中一理有朝澈八牕自玲瓏公  
無末俗病人識古賢風照物鑑絕塵與世雲行空似聞  
虛白室略與公心同彼哉壞陂老史語寧所蒙吾知泚  
筆意千載端爲公

次韻余司理

留襄陽日待師論詩  
既歸余有詩次韻

一從荆楚役八數昏旦星剗裁有瑣碎觴詠無煩仍世  
故未焚券官曹方治經客或嗤臞儒下亦安龔丞過目  
念知己遠方空舊朋持斧迺宗匠歃血主文盟天瓢賸

挹注風翼困凌乘袖憐醉墨溜眼爲故交青招此窮鄉  
吏闖彼小玉京樽壘容吟喙粉黛羅娉盈理窟領新得  
詩瓢傾舊盛風前雕虎嘯秋後寒蛩鳴六花嚴堅陣尺  
筆塵罷兵是翁信奇偉小子慚奉承攘善悖古訓僨言  
防天刑見推無異辭君語吾未憑

離伏龍

北風塵屯雲倦鳥白晝迷篩爲縣麻雨寒氣晚淒淒何  
以贈行客去路一尺泥卒徒淖莫前草棘取新蹊可能  
辭滯留十步九顛躓窮我恐非天問子誰見擠少日憂

江漢長翁文集卷之四  
十三  
三百三十五  
患海有眉未肯低流年况衰病縱死非孩提戚欣何足  
云壽夭久已齊秀色浮嶺路清音淙上溪會心各姿態  
將須忘慘悽山靈不無情斬新獻詩題

過八疊山

我從外朝來嶮峭相連接巉絕不可上孰與西八疊車  
匪毛羽去我豈猿猱捷一步九頓仆陟起正岌業飛蘿  
攀恐斷狼石高更躡時方積雨後沒骭泥涉涉客居慣  
澤國未到意先懾呀如敵場赴隸卒不敢怯及此問次  
舍猶覺口喞囁剪燭未渠寢尚恐夢驚魘

還家登悔來坡

下坡竊鴈墮上坡風鷁退歷險雖末勢未易忘歎慨散  
人吏隱心下上不云悔摩眼見南山衆嶺莫謀大雲陰  
巧蔽虧日御頗隔闕誰規山一凹千室作闌闌嵐影暝  
竹栢吾廬良好在言歸休吾勞嘯詠山與對

程帥和陶一詩見憶次韻

離合定有數撫事尚忍言憶倚枚鄒袂遊從如兔園堂  
堂繡衣老凜凜雲錦篇繁公笑譚爾諷玩良超然效顰  
徒區區晞駕嗟無緣登樓漫多感漂泊類仲宣窅石取

供醉孤子真次山東望搔白首不獨悲流年

次程帥和陶詩韻勉兒子以學亦公意也

昔吾竊科第正自學力勤雖從士夫後祿已不及親痛  
感韋經傳敢忘擇孟鄰念汝知策厲燈夜仍鷄晨立志  
忌作輟惜陰計寸分盍抽胸次陳驅爲筆底春解頰獻  
新得眩眼釋嶠雲鉏頭足膏腴天人巧相因奉親有如  
此况予耐賤貧誰今予不如儷美須前人

謝程帥表制使

安撫程丈詩筒不乏近表丈制帥  
附寄蜀書五部以把筆已頭白見  
書猶眼明  
爲謝以謝

昔人道與俱物外一不假而我同是見兼取及土苴虛  
心超萬境詩筆時一把造詣豈二機此秘知者寡

還山念初願老夫辦一物生平萬金產自託五色筆譬  
如十全醫付此無妄疾落紙亂蚍蚋超然百憂失

世人事夸毗失得紛滅起回思少年日失脚幾墮此尚  
友千載人得已吾徑已高眠北牕風賢否付一指

俗間苦偏仄有士能湛浮任真自得得與世不同憂得  
閒書遮眼覺倦書枕頭不辭蠹魚誚不貽牢豕羞

江左風流人安石頗巨擘絲竹不去耳用逃憂患域陶

琴不須絃我輩所矜式設逢東山翁兕觥與浮白  
 好書飛墮前客有記衰賤蜀道六十舍汗牛煩輶傳端  
 如枵腹人品列睨嘉薦常伯古賢風凜凜眼中見  
 曾青媿能膽入眼冰雪如疎雲放佳月赤青爲之除自  
 拭烏皮几日課蠅頭書政使堂下笑矻矻糟粕餘  
 豐約自定分絲粟戒妄求斯文寓理窟多取誰汝尤人  
 間張長公骯髒謝公侯窮塗有樂地投老容夷猶  
 九死得此生萬事遂成懶惟餘坐進地劣亦受推挽交  
 遊金玉人畢力補疎短詩書銜砭劑陸續到老眼

一編用劉漢誰似進履生高吟謝世書我嘗羨彌明昭  
 文倦袖手此曲寧虧成屠龍與澠洗付渠自重輕

程帥以詩見慰用韻謝之

平時聯輝星轉首食旣月誰能玄覽空影事睨盈缺老  
 子一掬淚未慙謝天合生世岐高下末路各一穴莊生  
 悟浮休苟粲枉悲咽公言敬書紳聞道有先達

梁廣文歸自襄陽作古樂章迎之

自君之出矣適我患禍初入門悼今昔顧影憐畸孤古  
 有鼓盆達自笑食藥如石交不在眼勝談誰見虞

自君之出矣春意尚妖冶著我愁城中轉首已中夏豈  
無鼓吹具塵筆置不把亦欲鞭其慵獨倡無和者

自君之出矣無心惜流光但記燕管巢俄復蜂割房煩  
君驗節物可孤北臆涼戎葵一笑粲竹萌十尺強

自君之出矣饑民日北首春從二天來共拜更生手未  
議解倒垂促膝此何有非君面揚榘誰有筆端口

次韻陸子高

子高歸鄉里去甚匆匆  
有詩見贈因次韻留之

一從別君來圓缺幾望舒相與兄弟然異姓殊厥居向  
來帆歸船欲去仍燈起平安可但已擬憑雙鯉魚兩地

選千里二年能幾書了知故人意記憶猶勤渠當君訪  
甕社值我留南徐參辰巧相避終冀或起予扣戶聽剥  
塚果爾不作疎屬者久契濶茲焉不躊躇甚欲挽袖留  
扣子萬卷儲子家老嗣宗三賦陵相如阿戎青出藍萬  
壑赴歸墟宸廷奉大對百韞財一紵有偕仲補袞無取  
辛引裾俯視漢諸公彼餒此有餘置之不吾卽欲刃捐  
璣磻南臺復西掖高位爲誰虛未須芹藻地脫口鎗珮  
琚平時交遊間別酒慣攬祛如君可畏敬且復同鄉閭  
求全待補劓涉險資閑輿滔滔多面朋著眼增欷歔視



我若澆然於君何賴與願言風誼重暇計日月除許尋  
十日盟子高初來已妙論窮終初治具有赤脚抄詩戒  
小胥安得方角輪一昔生君車

再次陸子高韻奉寄 言懷叙別

孰能下書惟潛心如仲舒沒沒視息間飽食仍懷居紛  
華或交戰進脩顧趨趨屹立視儕輩未脫同隊魚欲耕  
我無由生計付束書推卷了無得每嗟吾負渠日月駒  
隙過撫事猶姑徐衰晚時用少倖直女罵予拙憐官路  
澁貧覺交情疎沈沈王侯宅進步終蹶蹶所悲名不稱

暇計家無儲一官劣自庇晉如復摧如犁頭足膏澤良  
田本榛墟洪鍾忍不扣妙意誰爲紆纖缺間衆美狐裘  
羔爲裾而我空無有一饋九歎除眼中今士龍才業世  
舍諸椽筆將精騎詩來真擣虛陳前眩錦繡論報乏瑤  
琚應以巴人歌跼躄疑見祛逝將賣書去近君營田問  
更僕懷韋編課兒肩竹輿有志竟未酬南睇幾欷戲愛  
我寧惡石非子而誰與江山悵路長冰雪迫歲除臨風  
歌歸去平日賦遂初塊處念離索文會思樂胥寄語識  
自警僕夫行膏車

感事十詩上李侍郎

齊人石爲瓠自視比金璧鑽之不能竅寶此果何益人  
士爲已學落落肯如石當知井用汲又惡匏不食

客來自羅浮遺我藥如粟茹之三頓首已覺顏如玉飛  
浮日月傍夜訪銀河宿和氣均人寰坐使年穀孰

鄰女德稱色婉變白玉溫無資嫁未售行媒不顧門佩  
是親紉蘭庭有手植萱君子正求匹不聘甘難婚芳歲

逝不留苦節中彌敦澗潦有遺采此意與誰論

國公鑄良劍髮白心志悴晶熒淬歛餘干莫並犀利入

匣蟄以龍落手懾魑魅衛身未足道適用在一試樓蘭  
猶頽頽顧汝豈虛器

荆璞自楚寶顧終雜土木和氏浪三獻一身已再辱小  
儒褐衣底磊落幾荆玉把玩坐蓬屋和應笑遺俗善價  
誰不懷一辱詎可贖吾亦笑和氏葵猶衛其足

伯夷困采薇名不厠周亂敬通可言命四七拱炎漢聖  
主方側席士或槃邁澗有斧苦無柯古今同此嘆大人  
世鳳麟吐握豈云憚么麼未足數一官從浪漫

長松倚絕壑高蘿纏綿之蒼山屹半空白雲相因依揮

策馬不前自問此何時聖賢運化樞奇髦各驚馳躑躅  
諸儒後槁暴窮山爲槃木貴有因平心勿嗟咨

燕君市駿心一昔馳九野豈知千里足近出鹽車下臨  
風非一鳴幾謂無識者詳肉略之骨曠古無善馬

枉尋固已汙索價則已欺人生功名念舒卷自一時榮  
辱取所適窮達非敢知及物儻在道卑官亦可爲咄咄  
厭矮屋心無一日嬉還應乘田翁笑汝太矜持

幽人一床書不肯晚侯伯領會有真樂未厭四立壁平  
日太元經看人五鹿客今代元紫芝獨未覘顏色向來

紫清夢倏喜得親炙一洗衰俗耻滿腹志願畢

隱靜道中

晴日暝復出煙雲尚飛浮東風解人意松間作颼颼罷  
馬不用鞭正愜道塗脩涼氣濯毛骨百疾洒然瘳縈紆  
草根泉激激冰玉漱籬頭薔薇花娜娜新婦頭空林人  
語寂野鳥時啁啾名山無窘步春色况未休盤礴翠微  
寺判作三日留曾非耽禪寂聊此樂深幽文移暫見貴  
清境與心謀晞髮五峯影濯足雙澗流

同陳宰黃簿游靈山八首宰云吾輩可謂忙裏偷

閑苦中作樂以八字爲韻

浮天大江白發地羣山蒼江山環挹處一鷺棲寶坊偶  
從紅塵中與客分僧牀却窺紅塵底紛作磨蟻忙  
精廬兩牛鳴欲往輒復止山靈應笑人矻矻簿書裏清  
辰陪詩翁俗態方一洗但恐煩移文松檜負餘耻  
令尹拯濟功在處騰歌謳翛然伊洛意副此招提游一  
笑倥偬餘政以先民憂雖懷蔡侯靜不作趙孟偷  
我雖裹章服雅意耕寬閑著貂可採藥拄笏或看幽白  
頭敲榜地茲游破天慳有興聊可歌睡語不受刪

枕流未云清食蘖不言苦老禪家翠微風壑嘯一虎碧  
眼照人天金地漂花雨千偈彈指頃竟亦無剩語  
名山吾敢忘獨往興易窮勝游得勝士杖屨凜生風表  
表益者友當求古人中今世習鑿齒前身黃石公  
一代無爲翁雅志屬丘壑至今玉雪句爲山鎮不若生  
平稽生龍何時令威鶴弔古但三歎九原如可作  
吾儕自由身聲利爲纏索不存山林幽何以寬此縛熏  
爐仍茗椀鉤窓共盤礴何必覩史天是中差可樂

郡寮按樂飲趙判院有詩次其韻

簿書勞如絲取樂得少空悠然杯勺興藉此歌舞送從

事來官廚醉不睡鄰甕衣裳贍蘭澤言議雜囂閩人生

醒忌獨勝日飲須痛向來鞞上鷹府公解其縱僉判司

相許之先生作禪臥肯以靜啗動形臞詩則昌萬境供

方作會日用文字與紅裘寧非一理共退之強分別無乃夢中

夢絲竹娛中年耐此髮種種明當解予醒酒德賡舊頌

再過楊秀才莊

蒹葭竹間見竹根漱清流條然楊子宅面勢崇山陬開

得小憩忽復成再游流光屬深省昔扇今馳裘主人

中田宿稽事方未休磨門紫蘭兒見客頗邀留鷄黍要

後約行止寧前謀攬轡茗事已黃塵迷馬頭

江湖長翁文集卷之四終

江清長翁文集 卷之四

...

三十一



